

3495.8
4023
v.2

金羅傳信錄
下

DEANEY
LIBRARY
UNIVERSITY OF
CALIFORNIA

金羅傳信錄下

目錄

大司成吳公遺稿

諱一德羅州人登洪武庚午文科娶卽將趙冲信女居平

廣里

集賢殿直提學魚公遺稿

諱變甲字子先咸從人丘縣令諱淵之

子也永樂戊子文科壯元行跡詳見上卷

宜寧縣監趙公

諱寧永樂戊子文科詩文不傳

漁溪先生遺稿

姓趙諱旅字主翁贈司僕寺正諱安之子嘉善大夫工曹典書

諱晚之孫判圖判閣諱天啓之曾孫也中景泰癸酉進士乙亥以後不復應舉倘佯山水

自號曰漁溪處士終于家

金羅傳信錄

目錄

校書著作趙公遺稿諱昇字子明宜寧縣監諱寧之子也年二十二登景

恭癸酉文科能文章等走筆雖日試萬言倚馬可待早負煥然華國之望不幸縱酒失禮

獲罪於朝塞滯不遇官至著作而卒識者惜之一本號龍門

大司憲李公遺稿咸安人按咸州志諱仁亨登官至大司憲以清簡稱戊午史錄起揭及泉

壤丙寅清國追贈漢城府判尹以金山名宦載輿地勝覽

寓居晉州

觀察使李公載寧人諱孟賢贈參判介智之長子也天順庚寅文科壯元成化丙

戌拔英試詩文不傳後居京以金海名宦載勝覽

司憲府掌令李公遺稿諱義亨字勇甫大司憲仁亨弟也登成化丁酉

文科與弟智亨聯榜行跂見上卷碣文寓居固城

迂拙子朴先生遺稿諱漢桂字天支密陽人

文科官至獻納言事截直不避雷霆以曾遊

佔畢齋門流配碧潼甲子被殺正德丙寅

中廟靖國渙雪被罪諸賢庚午命贈承政院

都承旨自密陽娶郡人安孝文之女寓居牛

村谷

弘文校理河公遺稿

諱派字啓卿司諫荆山之

程拔娶郡人縣監趙寧之女寓居平廣里按

咸州志登弘治丙辰文科官至弘文校理清

苟云

宜寧縣監吳公遺稿諱碩福其先高敞人高麗

翰林學士學麟之後禮儀

判書六和之曾孫肅川府使淹之孫羅州判

官榮之子也中成化丁酉司馬蔭仕官至縣

監娶郡人刺錄系軍金

致誠女寓居茅谷村

金羅傳信錄下目錄

二

大司憲趙公遺稿

諱舜字堯卿漁溪之孫郡守贈參判諱銅虎之長子也年

壯八登弘治壬子文科出八兩司銀臺王堂歷大司憲吏曹禮曹參判等職追爵三代以咸安人物載輿地勝覽

判決事趙公遺稿

諱績字公紀大司憲之弟也登正德癸酉文科官至掌錄

院判決事公嘗占得宜寧縣湖陰一區臨江築室與鄭判中樞士龍十玩堂相左右領湖山魚鳥勝槩李處士陶丘公詠詩曰江分南北咸宜界地接東西鄭趙家至今居砥流傳尚州牧使享基云

耐軒趙公遺稿

諱淵字靜卿判決事之弟也中正德庚午進士靜庵趙先生謗

下公長於詩工於表書法亦妙摹倣十七帖好作篆隸字尤善草書蕭麗道助累舉不第以蔭補金泉道察訪義禁府經歷等職

成均進士朴公遺稿

諱德孫字光前中弘治甲子進士咸州志曰有詩名

已卯錄曰朴德孫咸安人好學敬長上順鄉里

成均生負安公

按咸州志諱宅字太居廣州人

本郡杜谷村趙世蕃之女仍家焉公天資溫雅平生未嘗有皺眉事好善之心老而不倦累舉不中安分田廬自號廣陵子又號匡廬主人詩文不傳

下鷗亭趙公遺稿

諱應卿字庚老漁溪之曾孫虎之孫南溪處士諱壽萬之子也以門蔭進

歷典三縣監察等職行跡詳見上卷盧玉溪所撰碑文及魚灌園所撰畫像贊又哀輯內外族譜發明先世派系分諸族氏俾廣其傳亭在鎮海海口公所構也灌圃魚公詠詩曰中國山東晉固咸名公箇箇出于三爭洽亭樹連湖海享味君應冠嶺南

陝川訓導姜公遺稿諱綴生員蓋孝之子也

成均生員趙公諱勿字汝止漁溪之有孫執義諱庭筠之子中

嘉靖壬子生負英達夙成不幸早世識者惜之詩文不傳

李教授遺稿諱喜弼贈參判介智之曾孫通政

昌原府儒學教授云按咸州志年七歲喪母人勸魚肉則輒垂涕曰兄不食吾乃食恐祭

腥穢佩匙終喪後遭父喪與兄喜連廬墓三年一不到家祭祀以謹侍人以誠居等谷村

李陶庵遺稿諱喜成字汝誠贈參判介智之曾

三塲累舉不中鄉論惜之寒岡鄭先生以精敏稱之

趙大笑軒遺稿諱宗道字伯由下鷗亭之孫參

孫也生於嘉靖丁酉中戊午周傳榜生員累舉不第以公薦歷宰四縣一郡俱以善治鳴

白少有志節慷慨好義壬辰之亂以丹城縣
監應招諭使金鶴峯誠一募傳檄倡義列郡
為之響應丁酉賊再動公與安陰倖郭公趨
共守黃石山城陷死之光海朝旌表其閭特
贈吏曹判書詳見上卷事蹟

朴簞

遺稿諱齊仁字仲思行跡詐見上卷竹
奉諱希參之子也先慶州人生員諱裴之孫參
不事舉子業以敬律身與崔守愚河覺齋金

松庵諸賢為道義交宣廟中子愚河覺齋金
參奉侍直皆不就再徵為王子師傳始膺授

召命遷刑曹佐郎除軍威將監尚瑞判官
等職年八十三而終寒同鄭先生有挽詩

李簞

谷遺稿諱僊字汝宣星州人知中樞靖武
孫林葛川先生外甥也生嘉靖乙未中戊午

周傳榜生員薰灸外門家行著聞鄉望藹然
孝友之稱溢於鄉閭癸未年間因鄉薦舉遺

逸授南都參奉輟到京師而歸後擢拜石城

金羅傳信錄下目錄四

監縣

吳白巖遺稿諱雲字太原宜寧縣監諱彥毅之孫也生

於嘉靖庚子登丙寅文科官至慶州府尹嘗

著東史纂要刊行於世娶宜寧進士許士廉

女寓居宜寧後沒于榮川

鄉梅窩遺稿姓李諱瀚字汝涵其先載寧人兵

判諱景成之子也公生於嘉靖辛丑自少才

學稱士友間出入南冥曹先生門矣治舉子

業累舉不中辰巳之亂從事義兵朝廷嘉

之初授沙斤道察訪轉丹城縣監後以功陞

紹陽歷清州牧昌原府使等職晚年寓居晉

州築鄉梅窩又構亭于鍾崑崙即麗末韓錄

事惟漢舊隱之地也進士文弘運詠詩曰孤

雲無跡南冥遠明月清風象外間疎竹崑邊

離上築清州刺史舊朝官

李獨村遺稿
諱信字汝間篁谷之弟也生於嘉

鄉解不中與兄篁谷相友愛事之如父公

年六十三而篁谷歿悲痛不已鄉里稱之

朴桐川遺稿
諱昨字太熙其先密陽人嘉善大

靖庚子早事科業累捷鄉解或貫三場祝

科如拾芥不幸有才無命抱羅隱之歎大笑

軒嘗曰吾儕輩落魄中餘人不足惜而惟朴

某最可惜也公之子震英登武科仕至防禦

使又叅原從一等勲追贈刑曹判書

大丘府使安公遺稿
諱意字彥優其先順興人

後生員廣州安宅之外孫也生於嘉靖辛亥

登萬曆乙酉文科官至通政大夫大丘府使

公十歲前能屬文比壯豪逸敏速人莫能先

焉承旨申公之悰嘗曰嶺南人才不為不多

而一時易屋中能與安某并驅者不過

數人惜乎位止三品不得大鳴於世也

金羅傳信錄下

目錄

五

望雲亭遺稿

亭在青松安德縣吾叔父同知趙公之所自號也公諱址字京

耐軒諱淵之孫贈刑曹參判諱庭彦之京土子也娶婦于花山權氏權氏家在安德因居于此去親庭五日程公既歸遣懷無地築林亭于此所居之南以寓秋梁公登太行望河陽之意

栗軒遺稿

諱堉字克由望雲亭之弟也

立崑遺稿

諱埴字克成栗軒之弟也

成鵲溪遺稿

諱景琛字仲珍靈山人草溪郡守也娶婦咸安寓居于郡

早事翰墨累中鄉解命與仇諱竟未遂志浸為人醇厚多恕人皆愛慕

梅竹軒遺稿

姓李諱明忘字養初篁谷之長子也萬曆乙巳進士

平市署令趙公遺稿

名鑑字子竹漁溪六世孫參奉諱庭堅之曾孫宗簿

主簿諱堪之孫敘正諱毅道之子也中葉
曆癸丑進士蔭仕官里平市署令居南

金羅傳信錄下目錄

金羅傳信錄下

咸安郡東軒題詠

吳大成

野桂蔥籠廨宇傍
李侯今古燭畱名
千枝萬葉清陰密
爽籟風聲拂郡城

次南龜亭在讚詠吉注書韻

吾愛吉夫子忠誠冠後生
煙霞雖晦迹塵世幾流名
松徑門閭靜筠軒宇清
考槃成獨樂誰屈頤人情

答禹廣州

魚直學

魚叔權稗官雜記曰曹適庵設聞瑣錄載余高祖提學公愛甲答禹廣州詩曰云云寓意深切今按此詩述於世稿適庵其得於傳誦也歟

金羅傳信錄下

登高遙望故人廬
聊向江頭問鯉魚
非是物情隨世變
奈何吞釣不吞書

題安機張宅

安氏好田宅清幽事可書
巖松巢老鶴澗藻隱寒魚
對竹開香醞穿林得軟蔬
聖恩如報了卜此共懸車

題池浦家壁

謝病歸來一室幽
荒涼草樹古池頭
若余豈避功名者
祇爲雙親不遠遊

題咸安壁上

歸來棲息地環堵而三間風雨弟兄話晨昏父母顏
門聽雙澗水樓對四窓山只要君臣義休官諒不難
宜寧清暑樓次洪使相汝方韻

危樓百尺最宜賓登眺冷然物外身春水鼎巖橫練
白秋風閣窻展屏新匠心細玩迷繩墨詩榜高吟泣
鬼神擬欲凭欄重作記愧無韓筆繼前人

傷弟教導家鵠弟名變質

雌愛其雛雄愛雌嘔嘔如保主人慈一朝相繼填猫
喙不謹樊籠終咎誰

憶子孝瞻在場屋

思余昔折桂枝秋詞藻青春今汝優時命儻來如努
力一家將見二龍頭

次洪使相

病客幽居絕往來相公疇昔偶尋梅先生里巷欣傾
蓋喜動爺孃舞勸杯春晚落花紅滿榻雨餘芳草綠
侵臺若爲更屈黃華節青眼高談一笑開

洪監司來訪翌日登清範樓題詠命余次韻

六載心勞一劄營清名不朽托樓名昔年三箇路傍
樹今日九層雲外極遠水清龍回隱映南山霧捲更
分明登高能賦大夫志會登臨謝地聲

樓郡守禹
承範所啓

合浦回樂堂首題

元戎李公命余製題

城池雄鎮檜山傍
訓練強兵別操堂
陰雨未前諸寇
壯風塵忽處
何長古來百戰
搶攘地今作三軍
醉飽塲
聖代昇平為日久
四郊多壘莫相忘

聞者瞻登第有感

喜信自京至
知瞻折桂新
寒門軍獨子
金榜升三人
豈道箕裘業
車由祖父仁
恍然如夢事
扶淚謝天頻

次金龍駒來賀

金詩獨與南山隱
草澤無姓素晚聞貴家慶門外賓
潘回

寄語南山客
初從底處來
如何無竹處
不見主人回

次宋咸陽

萬里乾坤載一身溫溫和氣恰如春老松亭榭休官
早芳草池塘得句新日繼重離明寶宸雲垂五彩潤
龍鱗願言努力加餐飯吹鑄洪爐必有人

又次咸陽韻

村村谿畔草芽生認得花開滿洛城已與吳公催釀
黍莫教雲鬢總遲行

城主前投杏詩

董林仙果摘來新雨濯微紅粉面白恰似魯壇風味
在奉呈還恐却非真

請邀洪監司

寒門微系苦清貧只一添丁玩若珍繼父登科家業
舊榮親錫宴 聖恩新喜心同極憑誰語青眼相逢
想自陳異日荒村山下路整時傾蓋莫嫌頻

題合浦節制使李澄石嚴君詩卷得園字

御史男旁侍史孫歸來早賦好田園人家不見三嘉
善天下誰生兩壯元黑槲紅旗連鑠洞春風秋月滿
金尊世間享福如公少青史英名萬古存

次集賢諸舊寮韻

當今吾道喜差強未必人人盡鐵腸仁子奉誠依佛
宇奸僧誑誘引天堂昌黎原道誰深玩傳奕封疏子

熟嘗千載文明空抱志謳吟臥病白雲鄉

子拜翰林書至

鴈塔題名已縱鱗螭階珥筆更離倫最憐壁上連前

輩使我當年宿恨伸

自註濫得龍頭不得與三館壁上品常有遺恨故云

次翰林詩軸中提學尹揔制韻

教汝當年戒互鄉如今來作玉堂郎自天
睿澤真

耶夢感淚無端滴羽

賜榮親宴故云

寄禹弢議承範文科同年也

銀臺納誨望無期棠蔭觀風願勿遲何日滿簾清範

月一鴈相屬細論詩

次靈山李縣監韻

李侯知我者可以接芳隣交契始今夕情親如舊人
柢林溪淨處繇谷草生春有酒夫何遠醒吟非楚臣

題鷄林府尹趙琬望湖亭詩軸

代人作

相公休沐處亭榭溘埃風城闕歸來近江山望矚通
關情伴詩酒妙道覈玄空皇極求賢切其徐佐建
中

王教授治與城主鄭公載携酒來訪謝以詩

聯鑪山簡習池來青眼相同一笑開已愧盤飧非異
味更無黎賴勸深杯

錢別鄭城主載

城主適拜書雲副正

登山臨水野梅香
話盡餘懷復一觴
朝著增輝抬俊
彦鄉閭缺望失
循良鼎巖波綠
春愁遠華岳雲
深去路長
摻別惘然固有
感幾年重見赭
袍光

贈康弼善慎

弼善金閨彥情親非一端
早從余問字更與子同官
朝野九年別田園暫刻歡
逢塲盃泥醉歸路杏腮搏
代合浦元戎次金教授思敏韻

旌旗攸指振威風
吞噬三山虎視雄
聖代御戎多
上策不須枯骨立邊功

庾樓明月照春風談笑元戎氣槩雄邊塞于今成樂
士才如廡蘭亦無功

琵琶山宅昔登攀陪詠春風幾醉還松釀綠烟霏石
上藕分香氣襲毫端志存經濟何時返身佩安危不
暫閒伏櫪驚鷗蒙一顧戀恩懷德未能還

題舍弟樂安新樓

弟變質為樂安教漢

作室憐渠苦登樓感汝為先塋遠咫尺有母向期頤
目極川原望身輕丘壑追從茲五兄弟朝暮聚於斯

次具同年司成

名綱

南北參商正十年君今青鬢我皓然一尊高會無回

得長伴蒼波白鳥眠

贈送金正言

尚直拜兵曹佐郎

宣麻昨夜降丹霄青紫紆綬拔俗標西掖堪嗟虧拂
士夏官應賀得賢寮驂駟騁路肯蹉跎鵬鷁凌空更
次寥垂橐遊人何以贈慙是馮沽酒駐征輶

三黜薇垣臥故山悲涼數載陟天顏已知樗櫟終
無用投筆時時尚據鞍

次金副提學

尚直

臥病田廬已二年窮通付與彼蒼天洛陽交舊知多
少頗得先生尺素傳

偶吟

縣谷窮荒地斯人憔悴顏陶杯間泛菊阮屐好登山
親老憂思苦天高望眼寒休官今九載膝下足承
歡

寄琴持平

柔永樂丙子文科
五年充諧之子全監太祖

惟明清郡予先昌江海憂君在二郎天為南州備三
省又教吾子下高陽刑曹佐郎朴融字惟明時羅居
清道公亦以正言散居昌寧

夢中作

公父喪大祥
後禫偶夢

酸梨小洞古山阿廬墓三年一擲梭饘粥未厭蔬食
進衰麻繞著練冠加昊天罔極恩難報中月而行禪

已過莫謂泉扃終寂寞五男俱在子孫多

次咸安客舍東軒板上詩

示辛監司

李氏靈椿古郡傍題詩畱與政堂名縱云生長孫枝
滿樛棟奇材定翫城

題善山鄉校南樓

霸王千古跡成陳夫子光輝久愈新堪歎興周空有
志至今行事見王春

寄檢閱

吾宗固積德汝又產佳兒以汝壽鍾愛求予檢閱思
今吾慎狂藥為爾作良醫蓋亦式昭訓毋為後嗣迷

聞慶八詠次韻

主屹靈祠

削鐵洪鉤外興雲造物中泥封兼玉檢侈爾謗
雲芳

串岬樓道

設險函關壯行難蜀道奇顛隴由欲速跼躄勿言遲

窓外梧桐

拱把朝陽榦縱橫風雨枝隔窓孤客耳歌枕萬般思

門前楊柳

弱線傳春早纖腰浴雨餘尋常俗桃李天冶不須如

萬壑丹楓

四面巉巖壁千林錦繡區停車堪盡處只恨愷之無

千崖積雪

冰崖成月嶽銀界層林涼燠相輝映吟者興不迷

烏井霜鍾

烏井鍾樓迥兩溪山路迴荆明携惠上一笑淡忘來

龍潭瀑布

飛動盤渦拆舍吞明月新晴露白虹瀉恍惚孰窮神

闢佛疏

世宗朝

臣等竊謂佛氏之爲害尚矣自漢以來崇奉愈謹而
未蒙福利者載在史典固 殿下之所洞覽也奚待

臣等之言忝觀韓愈之論有曰古之爲民者四今
之爲民者六農之家一而食粟之家六工之家一而
用器之家六賈之家一而資焉之家六奈之何民不
窮且盜也且曰民者出粟米麻絲作罷血通貨財以
事其上不然則誅使韓子少知治體則此言足以裨
補聖化之萬一伏惟 殿下留意焉臣等亦以謂異
端之中佛氏爲甚以夷狄之俗獨居四民之外而使
民窮盜其罪宜何如也夫禽獸害穀必驅而遠之者
以其害於民也然禽獸雖食人之食反爲人用僧而
坐食未見其益矧今水旱年荒倉廩匱竭吾民之計

則生死莫保此徒之食則豐凶如一唯見飢民不見
飢僧唯見民之飢而死也不見僧之飢而死也日肆
誑誘暗鑠民膏臣等竊痛之古之君子深言其害者
多矣為國家慮者則以蠹財惑民排之為彛倫訐者
則以無父無君斥之為斯文之興喪著書立言垂教
於將來者則以空虛寂滅罪之然其說宏濶勝大易
汨人心故瀰漫浸漬經歷數千載天下之人主幾見
惑焉卿士大夫幾見陷焉愚冥百姓孤兒寡婦幾見
欺焉而未之覺悟者則誠以道學不明人心不正為
人君則未能盡精一執中之道為人臣則未能究格

致誠正之學畏慕罪福而易陷於因緣果報之說百
姓之無知者則從厥攸好觀瞻倣效尤易流於誑誘
而天下風靡矣脫有如堯舜文武之君臯夔周召之
臣出於其間則不惟人其人火其書必明致誅戮以
視妖言之戒矣况敢望華屋珍饌以享香火之供養
乎况髡其頭緇其衣逃賦而營產乎况登名銓選紫
衣方袍並列通顯驅馳於都市之間乎是以清淨之
戒未聞而淫穢之行日彰惟我 太宗大王承 聖
祖經綸草昧之餘接前朝積習因循之末日新 聖
學扶植綱常一革資薦之法席不遑山陵之齋剝加

以經學大臣有若河崙等為之承弼常以排斥異端
安養生民為念革寺院削田民先為小正之端以示
大正之意焉今 殿下以乾健粹精之資天縱緯熙
之學受 聖考付託之重當大有為之時其於適導

先志明教化正人心扶斯文闢異端使斯道之明
如日中天可謂事半功倍之秋也議者謂當今家廟
之法已設水陸之制已定其勢已殺人人自然知所
向方而漸趨於家禮之法矣然家禮之書自士大夫
間當死喪急遽之際雖有護喪辦事者猶怛怛茫昧
未能隨事區處况如民之無知者乎且人情樂於因

循憚校改作雖在上者躬率以規莫能相一今水陸
之設雖云從簡國家未能頓除忌辰之追福舊
習尚存誕日之祝釐諛風未斷况卿士大夫乎卿
士大夫猶不能免况庶民乎開其為此而禁其為彼
民不信矣是以無貴賤貧富皆曰家禮之法善矣然
行家禮則人將議我曰異於常矣水陸之法簡矣然
行水陸則人將鄙我曰吝其財矣奔走寺院飯佛齋
僧召致親友競事奢華糜費不貲富者罄竭財產貧
者稱貸公私修七既畢則葬送力微葬送纔畢則公
私交徵其債矣是故典賣田宅以償其財而民不聊

生此

殿下之所未及知而臣等之所痛心也竊惟

盛必有衰物理之常福善禍淫天之道也堯舜禹湯
文武周公天下之大聖也功加于時德垂後世天下
之所共仰賴而尚且不祀彼佛何神以妖誕不經之
說汨亂天常竊人主之柄以奔走天下之人誠禹湯
文武之罪人而反享禹湯文武之所不能享其罪極
矣夫人必自伐而後人伐之往者道微雪然之行檜
崑津寬之事足以鑑矣今興天僧徒之惡何其相繼
而不絕也是豈數窮惡積天實厭之令自絕其根本
有待於殿下之神斷乎昔者孟軻氏拒諛淫邪遁

之說而猶自謂承三聖之統後世論其功曰當不在禹下伏望一殿下盪除夷法丕變風俗毀撤塔廟焚燒經律闔境僧尼並令歸俗申命禮官倣文公家禮定為卿士庶民喪祭之禮使儀品等級之有差衣衾器皿之有數陳列圖式簡易明白下至愚民皆得易知而可行則昔日遊手坐食之徒今盡為持鋤緣畝之民昔日事佛求福之輩今轉為報本追遠之人道無二致國無異俗人心既正道學益明世道淳如也則亦東周一治之盛也而殿下前日學問之極功聖人之能事炳炳烺烺垂耀簡策使後世之人知

大聖人之作為出於尋常萬萬也其淑人心回世道
燕翼貽謨以基億萬年無疆之休亦不外於是焉臣
等猥以庸資密近耿光揆厥所職實是論思之地宜
以善道裨益君德顧無片言上對 清問幸今伏聞
憲府言有及是適此機會不勝欣躍且嘗聞伊尹之
所志若使其君不及堯舜其心愧恥若撻于市故臣
等不勝惓惓之至仰瀆 天聰伏惟 聖裁施行國
家幸甚斯道幸甚

賜祭錦川府院君朴嘗 教書

王若曰愛君憂國義險之節不渝崇德報功存亡之

禮何間惟卿性天明敏器宇宏深藝早捷於文場名
已優於仕版才長經濟門習乎憲章道達時宜緣飾
以儒雅風儀落落乎難合言論堂堂乎可師用之州
牧則吏畏而民懷置諸臺閣則綱振而紀肅城關西
之茂績蔑踰申伯之城歸藏箴令之仁心無愧蘇公
之慎罰司刑而冤獄自理攬轡而甘棠屢歌非根本
之植中確乎不按何英秀之發外煥乎有文始以乃
心於我家終以佐命於聖考冊書著其盟誓白日
昭其忠誠宜其位冠於廟堂俾之任專於銓部粵予
不穀續此克難湯文之治功雖判浹而難繼伊召之

事業猶庶幾乎仰成正有望於與國咸休庸詎知夫
逢天不憖惟卿捐世之日實予致憂之辰事倂成於
鞠凶腸已摧其遑恤追惟往行惕然興哀旣節惠以
易名爰飾終以薄奠於戲良臣弼亮殊勲隆鼎鉉之
光人主哀榮異渥合泉扃之賁云云

賜祭昌寧府院君成石璘教書

王若曰光嶽鍾秀克生正人國家將興賴為元氣慨
英靈之已逝宜恤典之崇頒惟卿名門甲姓間世雄
才蚤捷文場橫翔藝苑以麟鳳瑞世之資蘊房杜經
綸之業而文之以董韓學術之精深他如詩律之嚴

筆法之妙皆其餘事是故當雲雷屯難之日遇知於
聖祖及姦究拯誼之時佐命於太宗繇是登台司
而承弼厥辟作元宰而澤潤生民鎮定乎震撼擊撞
調劑乎辛甘燥濕身佩安危為朝廷倚重者蓋數十
年餘矣其勲名偉績藏于盟府紀于策書有人耳目
昭如日星嗟予寡人遭家不天將求攸濟正惟聖
祖昭考之舊臣是仰顧瞻在庭十數臣外罔有存者
良用惻然卿以四朝之老蔚為三壽之朋洪範之五
福純備汾陽之終始無虧元龜喬木眷注匪輕胡不
百年遽貽盡傷永懷社稷之宗臣盍享情文之異

數肆脩薄奠往慰貞魂於戲雲從龍風從虎勲盟重
指於山河君親手臣視心報施何殊於存歿云云

賜祭吉川君 教書

王若曰脩短之機關乎天雖賢智者莫遁哀榮之數
載諸禮於存歿焉何殊惟卿簪履名家文章世胄氣
和而體遼志老而識清愛蒙 上聖之知遂成館甥
之禮秉忠誠而有守處富貴而益謙方期琴瑟克諧
丕衍璿源之慶豈意伉儷夙喪遽貽艱曠之虞每當
接見之時常有悽悲之念惟幸兩兒之尚在待見成
人奈何三紀之未周奄為異物忽聞來訃良惻予心

茲將菲薄之儀，俾展緦帷之側。於戲君臣義重，堪嗟一體之相揆。姻媾情深，更慰貞魂於不昧云云。

上卞判府事李良啓

仲夏極熱，伏惟尊體動履萬福。往者齒記病廢，屢垂稱念，感昨無量。小生恩深汲引，未堪驅策。病退田園，翹首有年而愚息世。蒙恩眷既，中科第又拜翰林。愛顧稠疊，非比他人。伏望終始教誨，以至成立，幸甚。小生自南來，朋知餘論必曰：娛侍親老，間適江湖。然老父自歲丁未始得心疾，洩屎臥寢，動止言語不省。妄作母則咳嗽喘懣，日就憔悴。瘦生亦雖云小差跬步間。

必常憑杖力年來又患消渴眼亦昏耗以此父母與
子憂感相貽無悰可知若爾奚所適哉今除金海想
知恩府哀予虛老 明時唱率吹噓之力今又固辭
矇然若未知委曲拔擢之功亦以此耳伏惟憐察不
罪區區非筆墨所能罄惟冀千萬為國自重

上監司正朝賀啓

代人作

天地既交在時為恭君子寢長與物偕通賢德所臨
春祺攸介恭惟云云緣歸儒術綽著吏能披徽譽於
熙朝迪乃心之勤勤寄劇權於要路底所部之澄清
爰值令辰倍膺純嘏伏念拘維官次隔越賓除躬莫

遂於鳬趨情已深於燕賀東閣寒梅紀序已開故歲
之花南國甘棠交陰留誦他年之詠

上金監司手簡

脩途專价折簡雙銜實出望外矧至尊之餘物其多
且時乎此雖大人君子哀窮悼屈終始不渝之意當
叢冗簿牒之際豈能委曲惓惓一至於此感昨感昨
曾達備急五嗽元如可劑也更為老母煩焉奉晤永
涯亢旱加重

題李節制書篋子後

李公書法放肆豪邁世罕其儔余聞而欲觀者未忘

於懷歲已酉夏偁與資福住釋大禪師性目同浴于
寺前川師命取此軸二謂余曰此合浦元戎李相公
於清範樓當宴醉札也書而囑余以粧之又就吾子
以目之終必歸之於我公命也近賚以進吾子宅吾
子適野無爾予曰唯試誦而觀之信乎奇矣喜得之
欲因以奪之因曰未也示吾子終還吾親受命也予
曰命示予所以欲遺我也終必歸之豈非克讓之辭
乎因乃解之袖而寶蓄之以遺子孫使後世子孫皆
知公非特有熊羆禦侮之才亦有龍蛇動筆之能矣
予與公於李侍中仁老皆為十一代之雲仍宣德癸

世仲秋初七日書以破睡

李節制書屏風

健筆超出常流如此者世豈易得但粧飾陋甚無足
可觀然比如醉西施鬢亂釵橫綾襪損態度有餘還
嬋娟不可遽以外占而輕內也宣德癸丑孟夏二日
書于縣谷書樓

漁溪遺稿序

趙公堯卿吾友也其弟縣監績一日來語余曰吾
先祖諱旅以行義稱於鄉閭爲進士不得志於科
第終老咸安之漁溪倘佯山水以自樂江村寥閭

無可以消遣日月者時因戲劇援筆吟詩以暢其
幽鬱以助其談笑非雕章琢句有意於工詩者之
比也先祖之歿今已廿八載矣爲子孫者思欲聞
警咳之音而不可得則得見是藁亦幸矣謹拾若
于首附以族祖正字公之詩文欲刊而印之藏諸
家廟遺之子孫以永厥思此吾父之命也吾兄弟
之志也公與吾伯氏善幸書一言于卷首余聞而
言曰子之先祖能處窮不改其操不求聞達高卧
雲林吟詩自娛以終天年豈非君子人歟子之於
親桑梓尚且敬止況於其平日之言乎況於其言

之成章者乎子之尊公能敬慕其親於其所述作
不忍其湮沒而子之兄弟又能成尊公之志以無
墜先祖之令名是皆可謂能子矣謹書而歸之以
為趙氏子孫之家法云正德丙子十一月上澣晉
川姜渾士浩書

九日登高

趙漁溪

九月九日是重九欲酬佳節登高岡回頭舉目江山
暮地濶天長思渺茫白雲飛兮鴈南賓蘭有秀芳菊
有芳山明水碧煙慘惓天高日品風淒涼荻花吐雪
江之蒔楓粧紅錦山之陽杜牧旣上翠微崗陶潛悵

望白衣郎義軒遠矣悲何極華飭不見心自傷周情
孔思謾堆腹月露風雲空拾囊絳囊嬋娟明兩臂策
萸粲爛照羽觴沉吟筆下乾坤濶爛醉尊前日月長
千載風流如昨日至今豪氣凜秋霜嗟哉潦倒生苦
晚懷佳人方不能忘仰古俯今皆若此笑殺牛山泣
齊王此日登高可免禍長房一語亦荒唐云何後代
人心滿馳騁詭怪紛遑遑

恭惟我先祖漁溪公生於永樂庚子寔世宗
登極之二年也中景泰癸酉進士郎魯山踐祚之
元年也乙亥以後一味韜晦不應舉不求仕放跡

山水因自號曰漁溪處士居家尚儉不事生產以信義行于鄉間盖有清寒子遯世自晦之志而公至人也膏次宏深無迹可見故人莫知其微意云以今觀之不但後世不知當世亦不知不但外人不知一家子孫亦有未及知者嗚呼至哉然存諸中必形諸外有不密掩者今即其遺稿中考之九日登高詩有曰羲軒遠矣悲何極華勛不見心自傷此公之本情不得不呈露處也不然佳節之登臨非勞心慨歎之地而感今思古傷時悼世之意自然發見於吟咏之間乎伯夷之採薇首陽也作

歌曰神農虞夏忽焉歿兮我安適歸矣詩之語脉
其亦本乎此也歟公種德隱淪不食其報至公之
二男七孫始發吉慶卒以長孫大憲公二品貴追
贈都承旨積善餘慶豈不昭哉 皇明萬曆丁
巳秋月日五世孫任道謹跋

太平簫

青春白日好時節綠髮元戎仗鉞行皆云天下無雙
將盡道關西第一英掌中腰間何所有白羽彤弓與
青萍黃金橫帶錦衣暖戴三頭邊瑞日明五花連錢
光翠壁玉勒金鞍照大程碧幢紅旆繽紛裏盡角聲

中有一聲匪螺匪笙且匪笛是乃簫而名太平紆餘
揄揚連復斷中有義軒上世情不是落梅與流水似
報龍門鴈海清曾從伊呂除桀紂又隨南仲掃蠻荆
韓彭幕下還高叫英衛鞭端又大鳴所過疆域皆清
泰妖氛不起瑞煙橫是豈出於今之日自從前世擅
佳名天運循環無不復三韓千載泰道亨禮備樂和
明舜日彩羽翩翩儀兩楹地自釀瑞醴泉出天不愛
寶甘露零山顛水涯生朱草螭陞龍墀出瑞蓂小臣
不勝舞蹈興濡筆大書獻明庭

文廟碑

聖主崇文建廟碑龍冠龜足記芳詞三綱為本千年
峙六籍開基萬世奇前後光輝那可象高堅體段亦
何知七雄五季雖云亂峻極于天一險夷

次巨濟儒生高以寧

不遺愚拙寄新詩為謝慙懃三復思俊逸詞鋒今白
也鏗鏘筆陣昔羲之排風馭氣瀛洲島刮垢磨光漢
冰湄知爾大材將致用更須努力少年時

新秋

何恨居諸忽忽流良辰美景在新秋金風吹戶桐陰
薄玉律傳商火傘收趁節微涼漆水閣感時清興入

詩樓吾今得養乾坤惠深賀西成把酒遊

流頭

一帶長川抱隴頭好將塵髮俯清流相懷事業偏多
誤却恨光陰不少雷沐後彈冠心更淨醉餘揮筆興
難收回眸蕩蕩乾坤裏物我俱新淡若秋

相恐常字
之誤也

七夕

今夕如何天氣晶女牛相遇眼分明時人若欲知宜
子此日須當美化生雲闕嵯峨驚枕暖銀關清淺鵲
橋成隔窻蛩亦傷輕別水夜空階不輟聲

次成宜寧

我生雖遇聖明辰一事無成百感新
滿袖青蛇塵不翳半簪疎髮雪初勻
囊底無長物未作尊前對可入兔走
烏飛時又變綠楊黃鳥轉青春

次尹濯詩軸

尹公正是風騷將筆陣詞鋒凜若秋
螢雪幾年能晦迹龍門三級必居頭
春蘭秋菊皆天賦龜腹蟬腸莫浪愁
為送行塵臨祖席山光水色共悠悠

暮春

甲子須臾逝春殘夏欲來燕忙鵲亦懶
紅卷綠初開喚起窗前喚催歸客裏
催惜時物衰詩思轉悠哉

途中

雲屏舒復捲山黛隱還明
野火林間燒溪流凍裏鳴
朔風天外細寒雪馬頭輕
前路知何處金城繞玉京
次孫監察栗亭詩

宅在翠屏擁門臨碧玉流
世間方醕熟亭上正高秋
表聖休休樂蘇仙是是遊
人皆稱雅量今見君為浮
病中偶吟

氣肅知秋至燈殘覺夜深
家書何日到回首涕橫襟
奉和李壯元陸

遊覽江山迹未剋
首登龍榜步天門
眼前鵬路人爭

導繼得容軒與杏村

容軒鐵城府院君李原杏村得中李崑也

題咸安鄉校壁上

我是漁溪隱逸人，幾番來往泮宮濱。
如今樂見菁莪教，願浴餘波愧不仁。

次李先生寶之韻

蓬萊誰曰掉雲天，駕鶴駢鸞路不玄。
一上崔嵬臨萬壑，桃花流水共依然。

寄李克亭

本是同源一派分，雖居南北志相親。
家童今幸投函去，想得真情異路人。

雲堂灘上有感

輕舟短棹泛官河
煙暝風微鴈弄沙
自笑未曾忘世事
往來南北疾如梭

送慎依中歸鄉

彩服翩翩日下明
湖山千里馬蹄輕
功名莫恨今難立
大器由來當晚成

佛巖途中有懷

春雨初晴草欲萋
眼中無物不淒淒
晉陽江畔遙迤迤
路馬亦傷心屢顧嘶

追寄友人

隨陽征鴈起南濱
綠泣紅鳴又一春
少年志氣消磨盡
忽作邯鄲失步人

次姜判院事

九重承命達行旌
馳向千山萬水程
祖席何須親奉袂
絨來珠玉是真情

次李同年壁

交甫臨江底事徊
空將遺佩望重來
襄王本是神仙骨
坐致巫娥下殿臺

次忠州龍眼驛壁上韻

獨策羸驂向玉京
前途泥濘且縱橫
想知慈母今朝

意應說吾兒底處行

次梁順天

一燈孤館兩書生
千里歸心孰重輕
何幸異鄉逢故舊
更添尊酒細論情

次朴讓詩軸二首

男兒行止誠難定
北學長安又下京
洛故人皆愴別
天涯且莫久停騾

庚午年光已云暮
春歸夏逝又秋風
賦予天命宜安受
阮籍何煩哭道窮

次柳正言桂芥二首

一別天涯會面遲
春風秋月幾相思
水流花落星霜
變鴈獨嗷嗷雲外飛

莫道南來返菴遲
九重天意每勞思
况是柳州功又

最宜招他日馬

如飛

時公坐謫
恭原縣

次田生員穉詩

良辰須及極遨遊
兔走烏飛歲不留
况值麥秋村醴
熟一尊相笑我何休

寄姜生

自是相為參與商
思君一日九回腸
法輪橋下溪邊
事十里長安尚未忘

新秋

金神持節入郊墟井上梧桐一葉疎此日此時何事
樂短檠明處可觀書

次山陰東軒詩

館宇蕭條挾小村行人那認是官門箇中南北奔馳
客半則青雲半白雲

贈別金錄事粹老

晁季連鑣出帝城山回水轉路縱橫吾知南北分離
後應說龍仁半夜行

次裴進士仲厚

寄來詩韻轉清高萬斛羈愁一見消
鑿刻破山時已近莫停清水飲其刀

奉呈尹牧使子濬

絳囊青簡侍明光底事翻然謫晉陽
萬口辭皆仰慕理民無讓漢龔黃

途中遇雪

雪陵如手滿天衢馬首江山展畫圖
獻賦梁園何日是獨含愁思促鞭駑

觀魚

悠然潑潑更洋洋三級誰居短與長
安得細鱗并巨

口良辰吉日薦茶嘗

次韓斐然

獨賦新詩訪我庭
兩心交契尚分明
青春三月還相見
何必臨歧更懷情

次嶺南樓韻

自斷才學窺天作賦
吾何謝守前奔走
幾年身未定
登臨半日興無邊
龍沙古木生秋氣
滿座仙葩帶瑞烟
多謝主人
心鄭重挽衣投轄
又張筵

奉次河相國演詩

聖主龍興漢水中
狼烟蜃氣盡消融
檀君古境新民

樂箕子遺墟至治隆八彩毫端滋蕙露五絃琴操入
薰風書生得鑄洪鈞化寶箏恒祈天地同

上金太守克儉

鄙夫景仰聲華久傾蓋巴山三樹亭履事緣何皆正
大持心本自至公明慰民四野棠梨詠賣鈞春郊牛
犢鳴願我賢非徐孺子濫登陳榻每神驚

次李參議義林寺詩韻

義林真巨剎境界儘清幽古栢窓前翠靈泉砌下流
沉吟塵外景消遣客中愁端坐僧何事趙州學話頭

次黃頭老詩

才德人皆慕大人誰知山谷是前身春風秋月千般
景幾落毫端泣鬼神

妾薄命引

趙著作

僕今年春孟以晉州教授遷醫學訓導思念以為否
往來久屈之伸始此年矣黽勉從事期於報效不
辜寵恩釀崇告移逾月黃楊厄閏仍為擣散是宜安
分順受歸去田園為太平之逸民也第今凡朝士間
散者無問儒武皆屬正兵番上之餘更守邊鎮俾以
甲冑為服鞍馬為家弓矢為事夫儒之為言柔也則
安能佩橐鞬撾鉦鼓從事於行陣馳逐之際而不顛

仆躪藉也哉言念至此誠為狼狽輟鮒處泥沙之困
舉頭呼斗升之水倘有仁人問其窮憐其痼吹噓之
煦濡之俾寒灰復然病樹迴春則海枯石爛此恩難
報天長地久此惠何忘然亦未可期也均是人也賦
命之薄一何偏歟茲述妾薄命歌以自反焉詞曰

妾薄命奈老何莫怨他人當自嗟妾身本是良家女
養在蘭閨秉節嫖雪膚綽約白玉絜眉帶窈窕青山
斜笄年學成新婦禮桃夭正好宜其家暮去朝來顏
色改鏡鸞無計留韶華妾生賦命一何薄老大未免
為痿痿妾薄命奈老何莫怨父母當自嗟君不見昨

夜南隣裁嫁衣齊紈蜀錦紛離披又不見今朝北里
休結檣駟顛車馬爭奔馳自憐孤潔紗窗女不敢自
媒仍失時妾瘴失時母失身但守貞心天必知妾薄
命奈老何莫怨寒修當自嗟雄鳩已逝鶉鳩鳴坐令
百事成蹉跎縱有蘭芷不用佩縱有珠翠誰我嘉欲
羨高山與流水何人解導而洋我欲調陽春與白雪
伊誰和汝徒媿要風人謾有標梅詠婕妤休吟紈扇
歌性拙安能賦乞巧才薄爭奈文選竈舉案願事梁
伯鸞否否當從龐德公妾薄命不自天不自人祇自
么麼賤妾身

名三子說

名三子名趙氏也其一曰洞虎孟也其二曰金虎仲也其三曰野虎季也曷為名季曰野虎而名仲曰金虎而名孟曰洞虎歟洞也金也野也其有取意歟夫虎在山者也以山視之則野在遠而洞在近豈非近者長而遠者季乎虎之出遊先於洞而後於野豈非先者長而後者季乎至於金虎則從而又革者金也盖仲之為虎介洞野之間遠可以先於野而兄於季近可以後於洞而弟於兄有從革之義則仲之為虎虎而金者也

以虎而雖同虎以實而有異也

然長嘯響裂崑崙谷虎之為虎猛矣而非三虎也跳踉
大呼百獸震悼虎之為虎壯矣而非三虎也義易喻
大人之變三虎以之唐賢比小人之惡三虎戒之周
之召虎相而虎者也隋之韓虎將而虎者也盡不成
而反類狗者有焉虎其皮而羊其質者亦有焉而三
虎為召歟為韓歟類狗者歟羊質者歟是在養之如
何耳雖然三虎之氣實原於一虎而窺牛之氣皆所
同得則吾知三虎之不為此而必為彼也決矣名之
者誰父虎旅也說之者誰叔虎豈也嗚呼無父虎則
無子虎無叔虎則無說虎於以卜趙虎之族之盛而

趙虎之風之振歟

請纓并序

僕刀筆小豎儒也居於大丈夫之事業安敢望乎而况年逾四十射不穿札乎賊敵王所愾臣子之職而自反而縮雖千萬人吾必往矣吾曾子之格言浩然之氣人皆有之則僕於從軍請纓何敢多讓乎今敢述言志伏呈左右詞曰

幾年書劍老風塵萬里雄心屈未伸今日幸為行陣卒龍韜虎略請俱陳

涓人買死馬頭并序

今我相國閣下文章之司命人物之權衡其取人也
以學則必如顏曾思孟是求以才則必如王楊盧駱
是舉然顏曾思孟不世出王楊盧駱未易得倘能學
顏曾思孟者而取之慕王楊盧駱者而與之則將見
真王楊盧駱顏曾思孟間是名而斯然出頭角峨峨
焉纓其冠于子焉而來如僕所謂希顏曾思孟追王
慕駱者也而困於韓愈之泥沙矣矣不知相國其肯
聞而濟之歟否謹述涓人賈死馬頭詩獻之
燕王昔日尊金臺隗始求賢得士多倘使涓人空往
返幾多良馬困鹽車

茂豐路聞子規有感

羊腸一路岐中界日落行忙馬不前半夜子規聲轉
苦旅情鄉思共悽然

送溫從事還京詩并序

昔唐丞相裴晉公之平淮蔡也其從事則昌黎韓愈
亦也當是時人皆以為非韓公之賢則不能當是舉
非裴晉公之明則亦未知韓公之賢而為之從事也
及其功成還朝也天子嘉其績銘彝鼎書竹帛炳炳
烺烺照人耳目至今為士林之美談焉寒更千載今
相國花山權公之總兵籍巡京師墟也問其從事於

人曰某曰某而邊侯亦與焉僕於邊侯曾昧半面之
知未識其何如人也然以吾相國卜之雖不吾面吾
知其必是朝廷之選也然未敢以是而決然信亦未
敢以是而忽然疑也及其巡至於是州也僕始得而
謁焉顧然其長薰然其和智足以造謀才足以立事
目其貌粹面而益背耳其聲出言之有章因以為得
其為人焉然後始信吾信之不失也始祛吾疑而無
疑也孟氏曰觀遠臣以其所主觀近臣以其所為主
始吾於從事也以吾相國而卜其賢今吾於相國也
又以從事之賢而尤信其德之盛也今其卒事朝天

也既愛相國而留之無計又愛從事無以贈行於餞
送舉之酒而爲之祝曰願我相國於從事無忘今日
從事之勤履將之行進之共上崔嵬焉從事亦於相
國不矜能感知已奔走焉先後焉一如今日之奉公
焉又願從事之餘 聖王若問太山長谷之間遺逸

阨窮之人其以老教授爲言焉若然則玉堂秉筆者
將大書特書以繼裴韓之事業不其光且顯歟而況
薦人於朝又裴韓之所未聞也故爲之序而繼之詩
曰相國奉綸綍巡察嶺南極逶迤周道遠咨諏問民
瘼且問資者誰其佐多賢德邊侯從之遊磊落真鸞

驚傾蓋一如舊數日共歡劇今其去朝天百計畱未
得歸路馬如飛健羨徒才子囊空久所贈聊以一詩
軸

西林寺題板詩序

進士裴施仲厚扣余而告之曰鄉有寶地額為西林
峰巒競秀松檜爭榮所謂驚嶺巒峙境龍宮鎖寂寥
者也余嘗乘閒步屨徒倚鴈塔敬禮黃面老子之餘
得一首詩櫺壁間輕塵撲面淡墨稀微模糊焉癡底
焉幾斷而復續似無而僅有拂拭細觀之乃吾先君
所題咏也數行遺跡手澤猶存如在獨立之前似聞

詩禮之教焉嗚呼曾日月之幾何淋漓剥落至於此
乎茲欲書于板上以傳不朽比詞連韻從而和之者
必多若爾子盍叙其意乎余惟裴氏之門芝蘭玉樹
郁郁芬芬丹桂紅蓮交映庭階而先生年最少業最
精一見先人之糟粕猶懷孝孫之霜露收拾摭撫服
膺拳拳不啻若素梓而況身體髮膚父母之遺則保
之而不敢毀傷也決矣仁義忠信父母之教則守之
而不敢荒棄也必矣以至立身揚名致君澤民乃父
母之願則其所以敬早夜孜孜無忝爾所生之志曷
膏斯須替於心哉家族聞斯而化於孝鄉黨感斯而

方於忠堂櫛箕裘靡不效斯則先生之風之教詎不
廣歟僕世家漁溪溪上有山山上有寺寺是吾先君
所曾遊之地豈無天香桂子之詠乎亦將效嘖西林
之勝迹焉噫徵先生斯焉取斯

送慶州府尹李念義承召如京序

大抵人之離合聚散何可常也昔公之來尹是府也
全相國謙光攬轡於鶉墟而李侯永敦為之亞焉韓
相國致義仗鉞於鶴城而鄭侯致韶評其事而公之
貳則甄城柳侯自濱也列郡澄清滄海波安兩岐五
袴騰頌閭閻人言德星之集偏於一方而南民之福

也今其特承寵命賜環朝京也輪移東都轅指紫陌
覲天顏論咫尺會親朋於朝夕是宜砥草沾帶漢江
以談笑顧眄超越無倦也然而方伯也元戎也通判
也隣守也若共著龜曰道有大事於何稽疑乎父老
也百姓也感德焉懷惠焉如共父母曰吾有鼠雀誰
辨升有修舉廢墜之政已矣應酬賓客之禮休焉以
至花露啼紅柳烟慘碧春風景物舉帶愁容是皆愛
公之至惜公之去留公不得而健羨公之先着鞭者
也安得達此意於紫宸復借公一年以慰一道之望
乎已山趙昱韋在東都適見是行故於餞遙道其離

合聚散之無常明又百姓之惜別者為之序云

鄉試策題

問自古帝王之興必有符瑞之應焉再中之白魚也
大澤之老嫗也關中之赤袂也陳橋之日光也之類
是已倘使四聖人無此等符瑞則孟津之師其不渡
乎望夷之廐其換楚乎新魏漢鼎而有天下者不必
仰金刀歟黃袍雖加而方面大耳之點檢終不作天
子歟恭封之無道已登而昌堦之鏡文不著則王公
之義旗莫舉而操雞搏鴨之功其誰尸之歟五百年
來應期挺生曰我太祖金尺有夢克著厥符化家

爲國再造東方符瑞之爲符瑞也至矣雖然天命焉
人歸焉應天順人之聖人不賴符瑞而猶興也決矣
建我世祖靖難受命也茲未聞符瑞之應焉前聖
後聖同一揆也而符瑞之或應或不應何歟將天恩
於前而蓄於後歟抑適來適去不足尚歟庸詎知符
瑞之不爲符瑞而非符瑞之反爲符瑞者乎昔董江
都對三代受命之策而班彪著王命之論河東柳宗
元撰貞符之文以矯二子之非而黃壯元唐亦非柳
子之非將何所折衷歟若以穀子已陳之菊狗歎昧
先生之老眼則是陳儒瞽生終未免祿禩之稱願置

此而新其說焉

按公之置散時嘗為安東府儒學教授成化己丑設試場于安東府公為枝查同官終場日改題煩數日且忽暮試負難於卒辦相顧失色或曰差備官趙某能文章凡製作甚神速今日之事非此人不可於是遂招公告之公略不辭讓一揮而就試負歎服愚聞此說於鄉先生朴篁巖篁富則著作公之外曾孫必有一家傳授之得故云

成宗大王輓章

李大愚

天生聖主撫東方享國端宜萬世長二紀臨民渾似
夢一朝憑几事堪傷龍飛杳杳歸湖水仙馭飄飄指
帝鄉蕙落堯階春寂寞琴寒舜殿月淒涼千官痛哭
雷聲音隱萬姓悲呼血淚滂雨露洪恩終未報此
生無復觀天光

在梁山作

嶺南窮處是梁山簫索人烟十室殘始訝望之三輔
去終知宓子一琴閒庾樓明月供詩興陶柳清風拂
醉顏一片嶺雲長在眼詠歸亭上獨盤桓

賞牡丹

公五兄弟俱以生進赴成
右兵營時賞牡丹作此云

當今吏筆與神同盲啞咸嗟數月中汝亦有言應有役如何容易笑軒東

贈彈琴女

公以書狀官赴燕京時有兩女子來獻窓外或以水揮洒公衣故有此詩

兩兩佳兒弄晚暉碧紗窓畔故依依無端一陳陽臺雨來洒三韓御史衣

落榜吟

李掌令

雪後青松霜後竹看時容易畫時難早知不入詩人眼寧買臙脂盡妝丹

吊蒼官賦

迂拙子

鶴去方愁雲帶色春殘芳寒月無光大夫方憔悴臨

哀慙芳心永傷何時運之不淑遇斯人之艱難彼小
民特來其劉袞鱗匣芳摧殘音子之落落高直期後
凋於歲寒秋霜著特立之操冬嚴有獨秀之節嗟今
日逢此百凶喟誰因而誰拯千丈之龍姿將頽十里
之風聲已絕魂驚牛山之雲霧夢斷徂徠之烟月山
有榛芳青青隅有桑芳沃若念子之獨罹此極重余
心之傷悲倘非渠之雅操余何為乎嚔啼至死不僵
宛西山之逸客見刳舟死同比干之忠直嗟哉大夫
又我心悼昔我初志與爾相保今子已矣余獨疇依
余懷之悲鳴呼曷歸

居東賦

帝高辛之苗裔朕皇考曰文王承岐邠之餘緒兆已
成於剪商惟大統之未集至聖武而肯堂顧余宗室
之微末幸親觀乎耿光及余齒之未暮庶黼黻乎舜
裳冊命代某之身初孰察余之中賜今冲子嗣無怙
兮况負荷之誰當更誓心於歲寒竭股肱以未遑旋
小倖潛倡此儻胥譸張而讒謗余固知謇謇之為患
敢爲托孤獲也已矣乎吾命之至此兮余安忍久居
彷徨願見先王於地下冀一明乎否臧出國門而東
驚芳弭余鵠乎周行卜幽壤以爰居神状况况若有亡

夜耿耿而不寐對皓月於空床念負宸之何人思吾
君兮不敢忘手已草乎鵠鵠寓余意於詩章倘一開
乎金鑰知素蘊之貞良懷殷憂而未之發重余心之
增傷嗚呼彼羣小兮巧言如簧有罪無罪天鑑孔暢

慶會樓賦

青苑匝千章之木靈沼涵五色之雲層樓間氣雙蚪
騰文神籌移十屋之一僊島輸三壺之分跨清都之
太平吞岱觀之絕垠茲太祖草圖于始而繼世賁飾
以遺我聖君者也奇哉智出青構之猷巧做斷鼻之
斤調唐虞之五彩施三代之丹雘璇題敷卷之瑤藻

并虛受之色當其朝陽登暉和氣四播重瞳御九五
之位百僚施六二之座契雲龍之同氣付鴻風之相
遇南箕孰哆侈之詠北風無雨雪之賦遨遊鳳儀之
乾坤高揖鹿鳴之君臣於是齊七政撫五辰十雨報
祥四域同春華胥化日之長標枝淳風之饒夫何爲
哉清明之朝予以燕喜徵招角招期條理於相悅匪
流謠於太康秩初巡之禮讓儼旣醉而德將懽成垂
拱之遙慶洽都俞之堂玉樹之巖翠獻奇龍池之波
光薦涼思無邪鹿攸伏鹿濯濯魚在藻躍躍至
使城中百物咸囿於各保性命中和位育之中而與

化冲融則茲樓也直與重華之南薰文王之靈臺比
隆儼美垂光後來而其慶會名實則輪焉復焉超出
乎百王之制作于胥樂兮

三都賦

蓋聞虞封十二之山夏辨九州之紀四隩星分萬國
錯峙崑崙有帝王之居澗瀍為王者之理惟朝鮮邇
在一域有三都之迭起想夫西都之興也檀君肇基
於上世箕子開國於中古朱蒙繼其赫業東明承其
祖武長江帶其隩隈峻山鎮其封域重關復關之隩
金城石郭之阨繁華盛麗則有龍偃大華之闕靈蹤

神跡則有朝天麒麟之窟至若松都之舊則當黑金
運襄之日值青木龍興之期成混一之偉績卜五伯
之鴻基廓聖居以爲門抱五冠以爲宇帶三江之雙
流據天塹之重阻黃壤兮千里沃野兮極目朴淵爲
神龍之居星洞爲異人之宅茲豈非兩都之形勝擅
名勝於疇昔文物之舉爲繁然庶水傳於萬葉惜哉
受者之非人旅驅民於我聖洪惟我聖乘茲不靖應
天順人化家爲國卜地華山之陽定鼎漢水之北龍
盤虎踞地闢天成鬱鬱葱葱吐瑞釀靈俾聖繼而神
承等縣縣之瓜瓞俗齊太和之天民登華胥之國

彼兩都之山川盡輸入於版籍方將開太平無疆
之基重九鼎而安盤石書生之目觀盛際自賀為
聖人之氓也重曰箕都虛矣松都新矣推亡固存
開新京兮克固鴻都萬世寧兮我瞻四方溢歡聲
兮

廢絃瑟記

余得人之瑟古而無絃就其主而問焉曰汝之瑟何
古而無絃歟其初本無歟抑初有而今無歟絃之具
備而絃則無矣余甚異之其主曰此器非吾所得於
今者自吾先代家有而世寶之者也其絃制作合於

陰陽之數聲音中於律呂之調壯鄙之態不能彷彿
而舞雩氣像宛然若存晴牕月入而塵爭絳帳風定
而簾寂澹銚點易之暇登西樓隅一為之則恍然如
冥鴻玄鶴駕大風運太虛浮游上下嗶嗶然鳴矣其
聲可以使人悲可以使人樂可以使人勸可以使人
懲其被絃歌則拈出三百篇賡歌之斷章其一闕曰
妻子好合如鼓瑟琴其二闕曰哀哀父母生我劬勞
其三闕曰兄弟既翕和樂且湛其四闕曰元首明哉
股肱良哉其五闕曰三之日于耜四之日于邁其六
闕曰思無邪斯馬斯徂茲六闕可以盡而身而家而

國而天下之道理焉其首妻子之合則猶關雎之首
於四始也其終思無邪則猶詩三百一言蔽之意也
必以歌詩被之絃者則笙由庚間歌魚麗之意也是
則吾鼓瑟可以致中和而位天地育萬物矣雖聖人
復起必曰不知魚味三月矣然其音高古不諧於俚
耳則瑟雖工其與立齊門操之者何以異哉金石與
匏土革木先生遺制無以議爲今伽倻亡國之琴胡
笳刀斗之吹與夫其他蛙鳴蟬噪之響爭進迭奏以
誇於世獨吾之瑟反不見知於人也以此寒心廢絃
而不爲中夜涼泣沾襟私自解之曰昔子思論中庸

曰君臣也父子也夫婦也昆弟也曰贊天地之化育也而其終必曰上天之載無聲無臭至矣然後已如曰無聲無臭至矣則吾雖聲其緒向所謂大闕緒歌而身而家而國而天下之道理莫不寓於無聲之中是則無可賞也今子異其無絃求問於余余告之以所以無之由吾子其爲我何如余應之曰善子之意陶潛不如弘治己酉五月日密城朴漢柱天友記

諫院啓草畧

丁巳五月

功臣嫡長加資事甚爲不便倖門一開終有冰炭同器之憂也又曰今也外則倭賊入邊殺主將內則闖

闐之下盜賊殺軍士此甚可憂之時又况文昭殿
迎恩殿諸陵與夫文廟時不親祭而進宴賜宴不
停廢仁政殿前酣歌胡舞開咽娑娑甚為未便去
又曰自拊大廟後大廟及諸陵殿一不親祭而宴
遊無常至繼以龍鳳帳幕乃天位時及大宴時所
設而或至累日不撤殿下惟慢遊是事於孝思何如
燕山曰近有眼疾求能行去去進曰後苑內馳馬擊
毬張龍鳳帳幕於宴遊之時多矣殿下何以有此教
乎燕山勃然變色曰龍鳳帳幕是爾之帳幕乎復進
曰此帳幕皆自民力而出雖謂之臣民之帳幕可也

豈君上自私之物乎云云而退

其日宣賜食物及大鹿皮書其尾曰於某

勿又諫草曰司僕提調盧思慎啓留僉正南懋懋乃

思慎從姪其挾私濫啓朝著皆知今又啓留僉正崔

漢源主簿成世深此則思慎歆因南懋之留適飾啓

達坐毀先王舊典臣恐大臣弄權之漸自此長也

四月十八日又劄論任士弘等事劄子畧曰大抵姦

凶貪邪者動必欺君妨賢殘民害物至有臣子所不

忍言之事則古人比之刀劍比之盜賊不其慘乎不

其畏乎歷代之事昭如碁局不須枚擲今此士弘等

輩究其已然之跡占其方來之害臣等不識殿下之

右此羣邪者何爲也臣等竊恐此輩得志則殿下已修之德必不旋日而累殿下已用之賢必不旋日而退殿下已安之民必不旋日而病殿下已養之和氣必不旋日而乖凡有血氣者必不得安其所矣此豈非甚於刀劍射狼甚於盜賊者乎臣等爲殿下耳目之官而耳目之所及心志隨而驚動心志驚動而流涕痛哭無所不至幾至二閱月而累瀆千百言不敢將順殿下之意也殿下垂拱深宮姑息宴安至今不之軫念惕厲只除薛桂等么麼之輩不改士弘等巨魁其於嗣無疆大曆服之計自以為得乎臣等不勝

缺望請俯從公議亟下俞允并與得琳等賤隸不使
之累名罪則國家幸甚宗社幸甚臣民幸甚

香夢

河校理

香夢潛隨蝴蝶飛芙蓉帳裏解羅衣情深玉筋滋霞
臉髻重金釵隋露霧幃枕上丹心繞說罷簾前紅日已
曛暉暉覺來想得恹娥意似識樓頭蕭史悲

按咸州志策談河校理沃嘗遊學京城說妓粧樓
月情不能忘有詩云去一夕同裯而卧忽翻然惕
悟心自語口曰此妓花顏皓齒肌膚玉雪余其駸
駸然沉溺矣若不於此時斷然決去則將誤了平

生即挺身而起割情送妓又促駕歸友人家去

三友臺排律十韻

吳宜寧

小亭傾側築爲臺臺下門前繞絳苔花爛春時孤嘯
咏菊香秋日獨徘徊家貧自古親朋少老境於今寂
寞面惟有冰輪尋我面更觀天宇淨氛埃雖無聲臭
清談隔已遣風流碧落開斟酌兩心如脗合嬋娟一
色照樽罍忘形且勿巍巍視虛象能隨一一來行樂
及時須酩酊憑空遺意絕嫌猜歡娛永結呼三友俯
仰相扶勸百盃白也傳衣吾不買却嫌分散曉雞催

已酉下第歎

後四年壬子
乃登科第

趙大憲

早將黃卷傍儒林，烏葉青燈護苦心。
得推書撲筆，浪悲吟。時公年二十五歲而悲歎若

觀朴淵瀑布

蒼崖壁立是誰剗，天上飛來萬丈波。
日奇觀當向故人誇，故人即李

世則玄

戲占絕句書妓生裏衣。此公火年時事也

高牙大纛三軍帥，黃卷青燈一布衣。
在不知丹粉爲誰施，方寸分明涇渭

清風郡。寒碧樓懸板，公於正德丁卯三月

上下灘聲吼作雷。水邊籬落晚生煙，何方借得丹青

手圖書溪山勝景傳

鐵壁如屏傍水邊一村桑柘起炊烟使君風致元非俗日日哦詩待客傳

晉州矗石樓題詠

趙判決事

城上高樓城下江倦遊人倚月明窓朝來斗覺機心斷我與沙鷗共一雙

貞夫人鐵城李氏墓誌

夫人因城世家也自鼻祖諱璿登第隱不仕種德遺後世襲貂蟬流益以大至門下侍中諱崑元振其門是夫人高王父也曾王父諱岡十五登第樞密院副

使進賢館提學謚文敬王父諱原十八登第累勲佐
命位至議政府左議政鐵城府院君皇考諱增 贈
吏曹叅判兼同知義禁府事皇妣貞夫人月城李氏
慶尚觀察使諱禧之女益齋後也夫人生於正統丁
卯十一月十五日巳卯九月五日以病終于堂享年
七十三天性端毅內治甚嚴子孫不敢以非義干於
前生我七男皆得成立後嗣之繁詳於先府君之碑
焉嗚呼痛哉嗚呼慟哉

觀海盈德

耐軒

浩渺奇觀指顧前天池空濶杳無邊扶搖佇見鵬垂

翼汗漫遙看浪拍天雲夢猶堪吞八九蓬瀛未必隔
三千通來出賦吾民困顛倒滄溟作布泉

題星州客舍壁

平生抱壯圖那知摧折困泥塗昔年虎閣承嚴
詔今日鄧亭掌戎驛今殘杯隨處忍毀言說口亦
難通此身強被儒冠誤為問天公識我無

贈覺林寺住持

洞裏招提擁碧岑客來塵思絕相侵龍鍾自是人間
累蕭洒還成物外吟巖海遊探今日事溪山清賞昔
年心茶湯喫緊忘歸去開剏三生樹石襟

早發玄風道上口占

暗霧漫空作勢飄日高三丈未全消不嫌遠客征衣濕只恐成陰蔽大昭

謹按此詩以霧比姦臣日比明君蓋霧為陰昏之氣日乃陽明之象霧雖盛日出則散理之常也而今日高三丈霧未全消其作勢自恣之甚可知譬若小人用事遇明君則自然屏跡而今明主在上儉小之為態如故誠可畏也不嫌遠客征衣濕只恐成陰蔽大昭云者言已之觸忤失職不足介懷欺君同上掩蔽聰明至有臣子所不忍言之變

是所憂也首尾不過二十八字而說盡無限曲折
豈但為句語之工而已哉任道拜手謹識

公州教坊歌謠

十二青樓化日長
競將春意學新粧
新粧未了星輶
至忙戴花冠出洞房

濯清亭次退溪韻二首

亭在禮安島川鄙度
使金富仁世業也

舟碧輝煌照一亭
風隨竹簟晚涼生
抱村匹練溪光
轉隔檻危棚嶽色傾
領畧勝區應自詫
優遊佳趣有誰爭
携君共對當簷月
夜靜詩懷久益清
雙鬢如蓬又草亭
到頭吾得任麼生
手中孤劍終何

用脚底窮途抵自傾天地有情知我分江山無貨没人爭登臨徒覺塵機息意思蒼茫興轉清

附退溪韻二首

山擁溪回抱一亭主人非是冷書生珍羞八百叱奴取美酒十千投轄傾斫樹奇謀人未識穿楊妙技客誰爭濯清儘有風流在竹簾冰肌到骨清堪笑乾坤一草亭杜陵詩句我平生種來胡橘應成長畱得囊錢任倒傾夢裏每尋溪友約席間行見野人爭何當結屋清泉上不使君家獨占清

題院社祠堂壁

或云下林齋宮

全家輪逝九京渡一代風光詎更尋喬木半遮祠戶
暗寒雲突鎖洞門陰蓼莪有句情何極荆樹無花涕
自淫庭訓未酬吾已矣百年辜負一生心

哭亡友權幹

或云顯權家齋寺
壁二說未詳孰是

滿眼松楸忽斷魂憶君何處更逢君蘭摧蕙折春無
所鳳去凰存日每昏蕪沒丹陽張瑀宅淒涼吳下伯
鸞墳平生惟有羊曇在慟哭西州路不分

寄贈吳仁遠兼示安太居

仁遠吳公彥毅字大
居上舍安公宅字也

細路沿溪遶遠林平生喜得卜居深韶光冉冉繩難
繫村巷暗暗睡不禁三泣尚餘和氏璧一彈猶有伯

牙琴兩君與我真同調聊寄陽春白雪吟

盈德縣清心樓題詠先大夫翁炎公曾宰此邑

美政人爭說先君宰此城愛民春似靄持已水如清

今日桑幽跡當時憶過庭空餘題詠在讀罷欲吞聲

還鄉錄拾句

癸亥歲自青松府松生縣始還鄉鄉住于中洞與吳安兩老從遊時

喬木思深歸意忙桑麻故宅樂身強溪翁時送苞魚

賦園友爭遺束菜芳

下二缺

沉冥無復較閒忙唯向衰年喜健強屋上雲山曾面

目園中芋栗尚芬芳

下二缺

次魚灌圃新亭六絕

朴進士

小堂瀟灑據巖頭為客時時倒玉舟
滿目風煙皆可畫江山如此愜遨游

隔川榆柳映西東磯底澄潭鏡影空
若欲高亭增絕勝莫妨巖竹長稚龍

營營聲利近奴顏早為慈親謝仕還
潦倒世情看爛熟始終無負是青山

層巖疊嶂圍平野水石松筠繞檻前
勝地待人今作主坤靈真箇秘千年

慷慨劉方孰與肩灣然清世一遺賢
憑君莫把青銅鏡照眼霜毛滿鬢邊

寄樂江湖已十秋，却將花柳做閒遊。
有田不識飢寒事，何用區區萬戶侯。

題聚友亭

亭在牛谷故忠義衛安灌別墅

小堂瀟灑爽靈亭，俯瞰晴川百轉來。
崖外尖峯文筆秀，原頭高樹綵旗回。
樽因好客尋常滿，花被東風次第開。
老我如今何事業，不妨相就共啣盃。

新亭記

亭在下監崑有樹木庭壇而耳與上鈎崑李萬戶新亭異

黔巖雖間左，素多編戶俗。尚行樂敘地，傍官道面勢喧卑。
未嘗知有亭焉。歲戊辰三月，修禊已畢，相與語曰：「春和景明，日吉辰良，正是遊行之秋也。而所可恨。」

者顧無高亭之勝耳乃披甕塹之區得於川上之蚤
頭樹影婆娑陰翳蒙密所謂神慳而地秘者也遂經
營基址除高築下期至平坦而止上可以坐五十人
功已告訖里社耆稚相與卜日爭持牛酒以落之酒
半有言於坐中者曰古人云無名為天地之始有名
為天地之終混淪已判萬物不得無名則其於斯亭
乎何余應之曰昔人名亭者多矣廡退則休休別離
則勞勞計事則精思皆觸事牽引繫於一偏今此亭
則一里共修而共息非人人所擅而私之者也無如
公之以卽事而定公之以卽事則斯亭之成固非舊

矣登亭而望之則陽春扇和受氣亨屯樹葉新矣風
傳異香擁鼻襲衣百花新矣麥苗含胎稻秧抽絳農
事新矣川回一面微波蕩漾水光新矣在亭而遊則
控弦入彀中必正鵠射法新矣紋枰相對爭道不烹
碁手新矣學而時習博聞強記儒術新矣書縮秋蛇
造出清料詩句新矣然則揔名之曰新亭何如僉曰
諾客有聞而笑之者曰但恐物之新者至於摧零人
之新者至於衰老則其終何以哉余曰噫噫客之言
過矣新舊之禪代有無之相因天道之常也然其新
字之義則未嘗泯滅物之彫者其實新矣人之老者

白髮新矣况敷榮發育其不在來春乎登臨燕閒其
不在子孫乎一元流轉宇宙洪荒日月星辰天地山
川之外無非新者於是衆賓敷腴難容辭塞余退而
爲之記

次愁送臺退溪韻

下鷗亭

愁送稱搜勝新名倍舊佳烟光添彩發仙跡肯塵埋
英氣非凡骨清標儘雅懷霜臺詩句妙留與寫雲崖

附退溪本韻并自註

安陰古縣有石臨溪俗名
愁送臺泉石最勝余於是

行以不暇往見為恨亦嫌其名之不雅故改為搜勝諸公皆肯之

搜勝名新換逢春景益佳遠林花欲動陰壑雪猶

埋未寓搜尋眼唯增想像懷他年一尊酒巨筆寫
雲崖

內外族譜跋

余維在襁褓連喪怙恃及至成童形影莫覩終天之
痛曷有極焉第念罔極之恩無由圖報而柘塹之墓
實切于中則莫若求盡吾心求致吾誠而已盡吾心
致吾誠者不在於他而在於叙述先世之源流以顯
吾親之流系則吾心其可不盡乎吾誠其可不致乎
吾譜其可不作乎譜之綱有二內也外也其目有四
內焉者一外焉者三其一曰趙宗姓也其二曰河母

家也其三曰柳王母也其四曰尹外王母也俱以神明閼閼之胄用合二姓之好玉樹芝蘭遍生庭階衣冠簪履綏滿一國以至蟬聯王室互結戚畹暨吾聘族內外亦附於柳而聯芳茂裔隆於趙河之後苟非前代積德之慶安能致如是之繁衍乎嗚呼觀吾譜者可以感矣譜之中有稱兄弟者焉有稱叔姪者焉其誦名雖殊而其初一人之身也一人之身即吾親之身也吾親之身即兄弟叔姪之身也古人之於父母也雖犬馬婢僕猶當役身銚而不忘况等吾親一氣之分者哉此吾譜之所以作也然則吾親而盡

吾心致吾誠莫吾譜若也後之見吾譜者亦將庶幾
哀我用心之勤焉歲丙戌譜連成書三四通分諸族
氏俾廣其傳云巴山後裔應鄉敬跋

咸安鄉射堂記

姜校官

郡本阿尸良國之遺墟也自前朝恭愍王二十二年
陞爲郡本朝因之山岳降神將相繼出其或不偶而
落拓鄉村者亦多可器之賢維持風教不可無主於
是選擇備望報之士主事在京在所俾執一鄉之綱
蓋取一鄉之所共推爾古之所謂鄉司直之遺意也
斯興一鄉之世聚歲一鄉之事咸鄉射焉或講禮焉

此鄉射堂之所以不可無而吾郡病其未有或於公
廨或於村舍皆非所宜而鄉父老之欲經營成就者
久之而未焉正德庚午秋有李座首趙別監李別監
諸丈始奮然共諗于鄉中諸員令各出米布鳩工聚
材而建立之越明年辛未春而斷手正堂兩楹左右
各夾溫房二間前有廡後有厨制度略備自今而後
鄉員之出入遊息既便且安而列坐秩秩綽綽有裕
豈不誠為一鄉之幸而非斯二三君子其孰能辦焉
座首名希祖字善述前王浦萬戶也趙別監忠順衛
而名昌也李別監前叅奉而名浥也尹相國金孫以

京在所堂上適出按手南於吾郡為外鄉而樂此堂
之將成也給綿布三十疋以助之堂在南門東辰巽
之位前對餘航左帶巴溪黛色八楹灘聲觸增雖無
高敞爽豁之趣而自有雍容蕭灑之意至於薦席盤
皿之足而復買田以為增葺之費者皆三君之力也
為吾鄉人者相與趨蹌於茲宿留於茲而不知功之
所在可乎議必取一鄉之公而不敢有所偏焉射必
觀所蓄之如何而不敢以逸豫為事禮惟習古之鄉
飲而使一鄉之後生有所觀感而興起使此堂不復
為歌舞飲食之場而已者非此堂之本意而今日之

所望乎鄉中諸父老君子又以為何如也堂舊無記
嘉靖癸巳中宗二十八年秋八月既望鄉人姜鯁承之別監
目父老之命而追為之書

感物悼亡

公有獨子鯁先公早發故傷慟倍甚云

李校授

庭前三樹梅今又一般開物色渾依舊人胡去不來
鶴與琴書共一船詩

李陶菴

秋風吹江江水寒落日半掛西山岑孤舟泛泛載何
物隻鶴圖書三尺琴琴邊刺史氣崖高兩鬢蕭蕭霜
雪侵平生所寶只不貪過取傷廉常自箴蘄州數載
任字牧豈敢培克勞羣黔鳴琴東閣憂澆谷清德遠

近令人歆雖然銅章多誤身臨風幾發歸歎吟歸歎
一夕逸興發片帆萬里寒江尋行裝淡泊家徒少取
錢山陰非我心我愛仙鶴鍾淖質翩翩玉羽殊凡禽
又愛瑤琴不隨世嘈嘈獨超南薰音况是床上一卷
書閒中可以探古今都將三益載一舸時時朗吟開
幽襟琴聲鶴唳共清越心閒意遠何斟斟一身行色
任蕭然陶陶至樂無人禁靈全洒落秋月白浮雲富
貴何能遙遙一葉指鄉山鄉山松檜寒蕭森君不
見莊間多少輕薄兒風塵役役爭浮沉

飛鴻閣謁楊龜山畫像詩

天津月白蜀魄啼執拗有人紛內訌外行伊傳內非
鞅紛紛異說欺天聽當時孰能燭其姦燭姦只有龜
山公身爲諫議責已重每念國事懷忡忡爰推禍本
辨詭論請罷配享排姦凶公言縱未盡能施議論一
出伊誰功端宜祀事表偉烈況是瀏陽有遺風章生
爲宰咨故老昔公所在名飛鴻繪像於中示後學又
使邑人思無窮先生若非師二程著事尤能凌且隆
騷人千載拜僂僂簷外一竿斜陽紅

詠蝸

公年八歲先府君參奉
公命作此詩天奇之

大笑軒

有家常負行有角不能觸遇陰之天出遇陽之天結

題遠志堂

堂在安東河限即西崖柳相國所構

遠志何能遠當歸猶未歸層冰寒雪最來往一葉夜

在山陰縣次洪童子韻

衰翁病恹寒不敢俯流丹暢飲羅帷裏寧知月照欄

無題

湖上鳴琴酒一壺壺傾酒盡興琴沽醉來身在羲皇

上不獨無絃琴亦無

荅柳仁同書

柳侯名雲龍安東人書中有失火水浸之語故賦荅之

民田水官舍火公之為政在於水火之間何似陽山
太守揔黃袍飲白酒逢人輒大笑

祭金鶴峯文

行追曾陸學原周程一團誠慤萬理昭明人間奎壁
席上春風德業垂世孰能形容木稼于晨柰折山頽
當子震悼黎庶興哀士共箴鑑國無著龜鮪鱉競舞
誰復鎮之嗟余小生外角摳衣事同一家得以依歸
今其已矣撫膺長慟哭奠菲薄愴怛若夢

祭金鶴峯文

直節載國簡策勲業著人耳目此則萬古不死而長
存吾何復贅說也論事則未嘗偏執已見咄咄乎吾
儕之分受其責臨終則未嘗語及家事謹詳乎漢賊

之不可而立此則吾所獨知而非友人之所共識也
地下雖曰相逢此別寧不慟哭

先考妣墓誌

嗚呼此我考妣墓也我趙氏世籍咸安有諱悅仕麗
朝官至工曹典書卽我考六世祖也玄祖諱安 贈
司僕正高祖諱旅進士 贈都承旨曾祖諱金虎僉
知中樞 贈漢城左尹祖諱壽萬將仕卽考諱應卿
司憲監察妣柳氏承仕卽諱亨昌之女生府君諱堰
字沃汝幼有志操及長學于圭菴宋先生麟壽之門
好學篤行大為儕輩推服以蔭補璿源殿叅奉俄而

連遭內外艱不復仕進瀕養于家配孺人姜氏高麗
上柱國殷烈公民瞻之後曾祖諱老成均大司成祖
諱叔淮南原府使者諱熙臣鐵原府使妣金氏海州
牧使諱克鏘之女生孺人歸于趙氏事舅姑以孝奉
祭祀以誠闡範為一門冠生一男一女男宗道生員
女適進士盧士訓副提學慎之子也宗道娶平安郡
度使李俊民之女生三男二女男英海英漢英混皆
幼我先妣生於正德癸酉八月二十四日卒於癸亥
二月九日是歲五月十九日葬于防禦山下林洞兌
坐震向之原我先考生於正德丁丑正月二十四日

卒於隆慶庚午十二月八日翌年三月二十四日葬
于孺人墓之西半而合封焉立短碣略叙世系及生
沒葬之年月日昊天罔極可勝痛哉隆慶辛未十二
月日男宗道血泣謹記

畫水成路賦

託其濠矣方之舟之託其淺矣泳之游之彼何人斯
成陸路於江之流古有霞外之道士脫天弢於早年
喜道家之秘術餐霞精而學仙繁華之榮慕是絕父
母之慈愛是捐歟心王母之易骨遊目東華之寶籙
洗隨瑤池之月掬泥太行之石乘浩氣兮壺中天醉

心魂兮瓊之液前童子兮後冠者詠水天之一色云
徂兮何往邇吾道夫豫章東流兮活活江之水兮不
可方縱余能乎飛渡彼安可越以轅邁佇立乎江之
許運利涉之秘計揮手中之鶴翅于以畫乎波之中
馮夷窮兮遠遁河伯爲之歛容俄回首而一見變驚
濤而成陸爰信步兮靡靡過長江於頃刻無一人載
胥及溺何必用秦皇之石橋嗤一簣之抗之笑舟子
之招招彼橫流其如我何而江上乎逍遙顧來道兮
何歲但層波兮流碧吾聞北海之蒼茫變桑田之有
日何佳也之幻奇遽成路於一畫知其理之不然重

起感於余之臆昔神禹之平水土陸而車方江而舟
象萬物而知神姦雷九鼎芳今千秋彼神僊亦云虛
矣矧畫水之妄說此夫子所以不語怪垂嘲戒於千
億嗚呼縮地千里出於傳者之詭異叱石化羊始於
史氏之謬記况畫水而成路諒萬萬無此理于其常
不予其恠濫有望於反經之君子

鬻畫像賦

有像儼然大帶濺衣端拱方嚴碩人其頌一紙而可
賄千金儘萬古之流徽丁玉錦之示瑞有大儒之挺
生身膺鄒魯之緒氣稟光岳之精上無傳於下無授

自暗合乎道妙天津日暮杜宇叫金陵塵起南土來
曰熙曰豐赤子哀哀伊人八相萬手如額佐女堯而
致治復成憲之較若於先王之不忘務親賢而樂利
兆民皞皞三代其四多士濟濟慶曆其再天不助宋
岱岳乃壞木稼當年哲人云亡嫠婦亦慙萬姓如莠
澤已浹於人髓世皆慕乎羹墻嗟九原不可作方想
彷彿於儀容幻毫髮於華端儼洛中之相公充然著
英會上宛乎獨樂園中非圖畫於夷煙豈丹青之廢
鄂園采威儀之不忒懦可立芳薄可肅尸此繪事寄
矣龍眠曰傳千紙家輸萬錢士夫慕其著龜後世承

其警覺宜心悅而誠服何金帛之足惜彼抱布之蚩
氓亦何有於好名信青天與白日奴隸亦知其清明
舉一世而好之諒由中而非外嗚呼儀形可繪德不
可繪眉目可畫誠不可畫一身真宰四海治化芳馨
既流於萬祀圖畫何煩於一幅思其人又愛其像亦
可見當立之惻惻聊作贊而一喟續考亭之餘筆贊
曰字兒童誦姓走卒知行千載範言百世師施普天
下像在堂壁嘉惠後學像畱方策春風氣集秋水精
神我思前脩實閱我人

學校策

對執事先生從容函丈之上特詢學校之方其挽回
世道欲升至治之意大矣愚也蓄我教育中一物敢
不創稟傾困以復明問之萬一竊謂國家之儲養人
材所以需於用也儲養之方在於學校學校之政不
過於明倫善俗而已蓋人性雖善而氣稟拘之自非
上智之資教之則善不教則惡故古之聖王設學校
而教之先之以灑掃應對繼之以誠正修齊皆所以
責治平之效也其爲教也彝倫日用之間孝悌忠信
之道故治隆俗美而學校之政修及其後世其爲教
也記誦詞章之習決科干祿之利故陵夷頽敗而學

校之政壞然則學校之興替只在於人主之身得之
於躬行心得之餘而推之於化民成俗之道者夫豈
外於講正學以正其心乎請曰明問而陳之義農以
上學校之制雖不可詳而繼天立極作君師而成治
教者遠自羲農則邈乎其不可議也東膠西庠舜之
學也堯之時未聞有學而司徒典樂唐虞之職也堯
舜之設教夫豈相異哉夏校殷序隨時設名雖有教
射之異義而其所以爲學則同也周之庠有成均辟
雍之名其取義雖在收禮樂明和之別而其所以爲
教則一也唐虞三代學校之制雖不得詳其次節節

目而古先哲王躬行教養之道非後世之所融及也
而漢及唐雖有學校之設聖遠言湮口耳失真所以
爲學不過尋章摘句一坊以取功名而已何足爲今
日道哉有宋之初石運綏回學校之壞亂極矣天下
之大只有四書院理勢然也厥後濂洛關閩真儒輩
出上接鄒魯之遺緒者夫豈非培植之所致天運循
環陰翳開霽文奎示瑞已在於肇基之初矣洪惟我
朝列聖相承莫不以學校爲輔治之本而內設成
均以待俊秀即古之大學也又立四學以養蒙士即
古之小學也外而州縣各設鄉校即古之鄉序黨庠

也哉 祖宗創制之意稽之三代齊休并義嗚呼盛
矣祭之何近年以來人私其身士私其學青襟黻
名居首善者旅進而旅退州縣生徒相視而怠散所
慕者科舉所圖者利祿讀書則剽竊章句以爲問答
之資則買櫝還珠而已製述則詭誕文詞以爲捷科
之利則反道悖理而已以學問思辨爲何事禮義廉
恥爲何物士習如此國何恃哉教無所施委之於世
道耶倚席不講責之於博士耶宜乎執事之憂也愚
聞學校之政不患法制之不立而患義理之不足以
悅其心三代之學曰時之宜同異損益雖若不一皆

以義理之悅其心如菑藜之悅其口故曰其性分之
所固有職分之所當為治而教之以復其性則無不
同也爰親敬兄忠君悌長即所謂秉彜而人所同得
者也其教始於孝悌忠信終於修己治人各有條理
循序漸進匡直輔益優游浸漬則用之朝廷措之國
家人受其福矣然而一國之本在於一人一人之身
主於一心人主之心正則一國之心無不正矣躬
行心得於九重之上而風行草偃於萬有之表矣不
先正其身心而徒以科舉取士爵祿縻人欲望其學
校之修士習之正得乎誠能正其心身推之教化治

隆於上俗義於下然後又得如伊川安定者付之以
學校之任看詳國子政試為課之規湖蘇條約經義
治事之法特措置中一事上有舜禹湯文之心學則
下必有唐虞三代之學校矣篇將終矣別有獻為三
代以前取士之法不在於科舉故樂正崇四術立四
教順先王詩書禮樂以造士大司徒以鄉三物教萬
民而賓興之教養有預取人有法如此也漢唐以下
亦有賢良方正之科孝廉舉子之科取士之法名實
相稱雖不可知用人之道不拘於一端亦可知矣今
則不然不問材器之當否人物之賢邪千百為羣使

之競爭而文理粗中程式則登庸而勿疑此果教之
以禮義相先之道乎學校之積弊不振職此然也累
世積弊雖不可卒革而嘗聞近世豪傑之士輔佐
中廟建議取士之法選其德業操履為士林素所推
服為薦科舉即三代樂正司徒之遺法也不幸媚嫉
乘機害人云亡法義制亦隨而廢其不可復行於今
日耶言之嗚咽扼腕長嘆也謹對

送河性源南歸

性源渾之
字陝川人

篁巖

傷心握手送君歸千里秋風拂面吹別恨海深還自
慰旅窓旬月英襟期

送金叅判南歸

叅判名功字希王崇川人

清秋尊輿孰能牽拍拍征衫向故田
閉戶不堪追送別歸心先越在君前

丁未夏秋題軍成林壁

蕭蕭白首佩銅魚三載催科政轉疎
破屋荒園頻入夢驢車何不賦歸歟

丁巳春鄉人設慰酌酒半賦絕句示之

春色來天地人間滿座春百杯
疇酢酒捻是送歸春

送金同知歸崇川

同知卽所謂龜鶴亭主人

春首來京洛清秋却復歸
應源龜鶴契豈是世途遠

旅鴈翔空濶涼風吹客衣知君廊廟器鳳詔定南飛

和新建龍巖書院詩

虔恭瞻拜儼庭堂俯仰興懷感慨長川脈遠連瀛洛
沁山根遙接武夷岡精靈彷彿恒如在妙道循空自
晦亡間氣運休還付氣後來誰繼入高墻

德川書院被兵燹十年陳君景直慨然厲志幹
事重達千里遙想感歎不已遂吟一律遠寄慰

懷

景直名克
敬晉州人

香灰輦燼整顏輓棟宇重新尚宛然精爽洋洋如陝
洛豆籩秩秩嚴恭虔天玉蒼翠昔顏面潭水澄虛舊

活泉惟願千秋恒勿替繁尊肥俎禮無怼

乙巳六月二十日佩銅南歸權鑑湖叔正具酒

肴餞飲之茂城君尹公洞寧原君洪公可臣鄭

承旨穀許參議瑞洪典翰慶臣宋谷山瑄皆來

會酒半賦拙詩留別主人鑑湖規權用中也公嘗幸本郡愛慕公隱

德力薦于朝竟致引用結為知己之友云

斷金蘭臭片心同二十年来聚散中鬢髮髭鬚俱皓

白精神意氣各豪雄一盃棄落情無限三疊陽關恨

不窮弦矢去留南北濶此生何處更相逢

敬次寧原君送別詩寧原君即上所謂洪可臣也

佳賓同調滿高堂促近離遙話別腸
揜手便驚成陌濶贈言還喜和春陽
蒼茫嶺外程千里珍重親朋累十觴
不敢深杯辭大醉醒來無奈黯懷長

按公以師傳在京後

遷刊曹佐印乙巳夏除軍虞

尉監右二詩蓋臨行所作

河覺齋桐宇告文

水壺性情秋月襟懷萬學力行為俗模楷

大笑軒旌閭銘

稟剛正氣守一箇是難不苟免風霜節義

酌南霽雲辭

旌頭華兮紫微宮鼠為帟兮猪為龍風塵兮瀕洞戰

血流兮率土殷神州赤將陷於賊藪兮爭賣降兮如
朝天生大材必有用兮壯哉南八真男兒龍韜廟畧
之開陳兮劍鋒白兮差差惟巡與遠同我義烈誓心
天地嗔慨盡歎伏劍而起怒髮衝冠孰誰且武如飛
如翰戰零陵兮轉轉運殲數萬之逆徒三軍乘勝踊
躍歡呼惟成敗利鈍非所恤兮矢不與賊而俱生刻
彼鯨鯢復我西京扼孤城兮勢漸危蟻子援兮來何
時哭秦庭兮祭若何賊無衣兮事已非彼賀蘭之鬼
賊莫肯濟兮我師唾掌之志未遂斷指之血淋漓仰
青天兮視白日曾不照余之忠赤雖喪其元不屈其

膝孟明之將未焚其弘之血已碧守一城兮捍天地
植綱常兮懸日月悲乎哉真宰之茫茫兮泯莫知其
所為使大而佑我公兮胡為乎生此不時使天而不
佑我公兮胡畀以出衆之才德豈不以標勁節於歲
寒激萬古義士之心腹也哉跪陳辭以薦酒忠魂在
魄兮來格

擬宋韓琦請罷新法表

為政必曰先王丕闡守成之治師古以克永世敢陳
變法之非肆竭愚衷庸瀆崇聽竊惟致治之術要以
法古為先作聰明亂舊章實古今之通患率祖考監

成憲乃帝王之嘉猷當時措而得宜視民利以莖弊
欽惟惟明明后受丕丕基綏斯來勳斯和克從先祖
之烈生不傷厚不困求致烝民之安凡所施為勳遵
古昔致治之盛想古所無頃缺誤國之臣輕變盛朝
之制不思養民之善政專務殖貨之權謀極百態以
用私營萬端以舞智生財有大道猶可足食而強兵
瘠民以自肥何必頭會而箕歛法纔試於數載怨已
起於羣氓遂使祖宗之良規反類商賈之隴斷久則
難變害將滋深雖恤愛民之心未有回天之力伏望
廓江海之量回日月之明仰祈仍舊之言深懲改絃

之惡則上能裕國下不病民篤前烈永無愆治可隆
於三代啓後人咸同缺法亦垂於萬年謹當倍殫丹
衷益厲素節有謀猷入告恒輸弼后之誠非仁義不
陳永有偶王之志

新增養蒙大訓志

在易蒙之象曰果行育德蓋泉始生而涓涓未有所
向必果決其壅而通行之然後能達于河海人始生
而純一未有所適必有明德而向導之庶可到君子
之域此聖人所以觀山下出泉之象而養童蒙以正
者也夫養正莫先於禮禮莫先於灑掃應對坐立步

變揖讓進退而已固肌膚筋骸之束以制乎外讀聖
書窮義理以養其中立誠進德尋向上去達于天德
故曰蒙以養正聖功也噫世之人生子意於解文字
之蒙而不務開導下學之蒙故耳目手足之無所持
動靜語默之無所掄及其既長紐舊俗習馳騁任氣
如潰壅橫奔之水或不免爲反道悖德之人矣尚何
望其聖功哉此朱文公童蒙須知之所以作也其爲
養育作成之意深且切矣眉公柳公以文公劄子帖
十訓白鹿洞學規合于童蒙須知而名曰養蒙大訓
余又搜輯古人訓蒙要語補以口訣添附于左以助

啓迪昏蒙之一段嗟呼此豈惟童蒙之所宜獨知雖
過時難成之人亦能勉強體認則聖域雖遠難造亦
可到大賢君子之地位矣萬曆三十年壬寅四月下
幹難林後人謹識于寓廬

書上訓蒙絕句于王子君因以獻規

右絕句一百有二首晦菴先生所作也皆以庸學語
五中緊要格言爲題一句一絕各有工程明白簡易
誠學者八德指南非若詞人觸物寓興浮華無益之
比而其溫柔敦厚之氣感發融通之實誘掖於天理
流行之域者可爲媲美於三百篇之思無邪矣茲以拙

出緇寫謹獻左右伏惟以聰明秀義之資每時習休
休之暇風軒月窓焚香正襟吟玩深思必有感發興
起而天理之善藹藹然不能自己者矣當因其所發
而固守勿失養而充之則天理日益滋人欲日自消
矣日新又新勉強體認則其於窮理踐履之學將大
有所就其可量耶莫念詩云壑不有初鮮克有終方
其詠歎淵永之時孰不欲收歛身心期為君子衆慙
爭誘闕防不嚴隨物放逸無所不至則神君迷歸私
欲反據為主而本然之性於是乎喪盡矣昔日感八
之詩今為打格之物矣嗟呼前一人也後一人也而

為善為惡何相去舜與跖之遠耶是故雖古之聖賢
懼私欲之乘罅隙省察之愈猛愈密銘諸器而箴之
堂宇一動一靜常目警策而況此詩精切著明易感
於人而成始成終之功程嚴法無所不備者乎豈特
銘箴而已哉伏願益加勉勵填終猶始朝夕諷詠涵
養躬踐履善惡之幾嚴義利之分勿以善小而為
勿以惡小而為之無忝上帝所授之良貴千萬幸甚
某本以學不知方濫忝難堪之任無一分開發輔導
之益而日月流邁倏過三載區區一心慙負無量今
當遠離情懷茫然聊將一言以寓微忱願勿以膏淺

而忽之時萬曆三十三年乙巳四月上浣師傅朴齊
仁書上

次趙吳安三老詩韻并序

篁谷

吾鄉有三老曰都事巴山趙公曰縣監濮陽吳公
暨上舍廣城安公俱以不世之業抱璞未售自分
求棄人皆惜之既而趙公吳公舉於耕釣之中歌
鹿鳴而進鑒柄不合繼未獲大施其志觀其泯滅
終身者則有愈矣若廣城公有麟雛俊逸擢登龍
榜則不必親於其身然後謂之得也古語有之蘭
香自聞有種必獲吾於三老驗矣且以齒德之相

侔結為金蘭之契寄跡林泉無意斯世春花秋月
提壺挈榼逍遙山水之間放浪形骸之外頤神養
精以樂其志此無懷葛天氏之民也歟若使能詩
工畫者圖其跡資其美垂耀不朽則其高風峻節
凜人耳目者亦不多讓於古人矣一日廣城公倚
微酣奮巨筆首歌詩二篇兩老亦繼和各述所懷
而吾鄉之長於詩者亦屬兩賡之佳篇麗什殆至
成軌何其盛矣噫當世無工畫者畫與不畫固不
足論也所謂能詩者豈無人於其間乎然則吾知
三老之蹤跡庶幾不落莫於來世也決矣儼以新

學小生摳衣於下塵猥蒙辱賜不勝景慕之至輒
竭淺陋濫步瓊韻仰塵清覲詩云乎哉祇希覆瓿
爾

屈指光陰瞥眼忙唯公鶴筭獨無強青年宦路忘茶
苦白首田園認蔗芳鳳月幾增詩酒興親朋爭慕德
音香癡狂屢接荊州面自擬千秋共一鄉

巢里終還旆鄉稱得丘公溪山憐舊態鷗鷺訝衰容
清靜身無事塵喧夢不通生涯從此定莫歎暮途窮
右二首上趙都事

莫歎年前解組忙人間倚伏儘無強况教鸞鳳棲葦

棘誰把芝蘭辨衆芳竹塲卧時千念息琴書託處一
尊香從今應悉乾坤大身世遨遊醉睡鄉
行藏安可苟消息任天公白髮催歸老紅塵不許容
有心耕釣樂無夢帝鄉通萬事堪携分何須歎五窮
右二首 吳全義

莫嘆華髮等閒忙富貴關天豈勉強白屋老翁身世
拙青雲兒子姓名芳打魚南澗波翻玉採藥東臯袖
滿香萬事人間真塞馬百年誰似卧江鄉
一境天慳久何年昇我公龍門雖見阻石室可能容
日月間中永乾坤醉裏通誰知顏巷下簞食樂無窮

石二首上安上舍

溪亭卽事

倚山茅屋枕長流萬柳陰中一境幽
頭白弟兄相對處不知人世有閒愁

贈並水尹宋兩君

尹字汝深
宋字德純

千疊雲山護一村家家臨水似樵源
勸君學得巖春術莫遣飛花出洞門

謝趙虞侯林檎

八年兵火滿吾鄉誰料孤根免折傷
珍重故人投數顆劈霜含露齒生香

嘔醒堂偶吟

癸未甲申間有尼胡之亂朋黨之論故詩意及之

劔戟崢嶸榆塞上是非顛倒玉階前
生立不能忘世事竹窓殘月坐無眠

聞賊退吟成短律以示舍弟

王師百萬護吾東

楊翁

董一麻

貴劉

蓋世雄旌旆

拂雲葉散船艙連海海波窮三五劍舞魂奪一

夕城烏靄幕空同極望恩誰報蒼臣民感涕只呼嵩

贈歸遊亭主人大邱府伯金侯汝嶺

仗劍南來歲已道劬勞王事二毛脩半江烟雨空漁
艇萬柳蒼巖惡海鷗知足自當先解綬得閒何用待

封侯若將勝地安身世須及行年未暮秋

移寓金山迎命村村前有孤山四松亭

磅礴崔嵬幾尺隆更看鰲背秀蒼松眼窮西北神州
近身出鴻濛灝氣通翠蓋陰濃驅酷暑晴雲捲盡御
冷風名區信義非吾土矯首南天意萬重

控鶴亭

天作蒼崖百尺臺登臨迥若出塵埃北通楓浦仙槎
泊西揖頭流鶴馭迴遠岫娟娟眉黛合晴川滾滾鏡
光開餘生已得逍遙地忘却人間白髮催

水假山

新霜夜落秋水淺有水露出寒江灣沙磨水激幾
百年瘦影彷彿於真山自古樂山仁者事移來擬
作平生看紅蘭綠竹相掩映選致佳處當闌干壯
哉千巖與萬壑倏向巖砌高嶺屹屹如鸞翔又鳳
翥雄如虎踞而龍盤山崩崖絕間人跡絕間風玄圃
相回環或如九疑秋歆晚丹楓挂樹浮雲鬟依倚
二妃招帝魂相携佇立悽沅瀾或如巫峽蘿月下
玄猿獨嘯松栢間十二峯頭雲雨中綽約僊子相
往還微茫烟水通富春羊裘何處垂漁竿彷彿提
衣蹊丹丘俯視五嶽如彈丸芥滯可洗平生膏便

歆絕世秉青麝若使麻姑比登覽應歆與我相盤桓
還疑巨鰲知我意戴此方丈來塵寰貪看朝夕忘
賓主宜知世路多辛酸卧遊亦足小天下探勝何
須費躊躇笑殺子長勤遠遊病却四皓蟠商顏
爭如今我對此山日與佳客聊成歡嗟我筆力愧
老獺安得記勝蹟無刊

改葬祭文

維萬曆二十七年歲次己亥十月朔丁丑初六日
壬午父孫宣務郎前石城縣監解敢昭告于顯祖
考通訓大夫行海南縣監府君顯祖妣淑人順興

安氏壬辰之變萬古所無三都成灰人盡屠戮况
我門禍在人特深哀哀宗兄全家陷沒宗統既絕
同極奈何仲父有孫明愿成立例當承祀足慰幽
明殘孫八人六人先逝併估兄弟兒孫十人幸得
綿延僅守緒業冥冥所屬豈曰少哉人間喪亡猶
可痛哭豈料重泉又被凶毒奔竄遠地秦書復時
且因計竊權厝經歲身負重譴若無所容是矣
之營薄奠之具兄弟共辦得自焚香於禮雖非情
固當矣茲無虞事訖足陳懷

祭全州利宣趙公文

維萬曆二十八年歲次庚子十一月朔辛丑十八日
戊午友人宣務郎前石城縣監李傳敬祭于通訓大
夫行全州判官趙君之靈惟靈性則真醇氣則壯烈
臨事勤幹不避險夷自從亂離常懷敵愾不待命令
累立戰功勇赴蔚州扼腕不利自募下海輒忘其身
一舉龍驤誓雪國耻天不助順已矣奈何大洋茫茫
天日無光雄劍一碎國事其非人生世間孰無一死
死得其死靈不舍冤芽念舊廬有室有妾且有女息
方抱兩男布奠無憑倍增摧裂嗟我衰病早結潘楊
情同兄弟愛悅特深尋常念及幾多長吁只緣流寓

近未舉觴再期明日聊薦薄芳靈應不昧聽我哀辭

星山李氏族譜序

家譜之傳豈偶然哉傳之則生百世之下可以知百世之上不傳則由數世之後無以記數世之前此竊氏之眷眷作譜之義意也謹按星山之李顯於世稱望族者殆至五六家而其間有家譜儲審本源者曰碧琬將軍諱念言之李也曰星山府院君諱能一之李也曰宣授隴西公諱長庚之李也其餘數家赫世衣冠之盛雖與三家齊驅而家譜失傳皆不克究其本源而所謂始祖者乃傳聞所及之祖實非厥初起

家之祖也哉李氏亦數家之一併嘗以此為生平之
病每見士人之姓李者必問其系貫如其星李必又
問其源派如此數十年無一人通曉其本與我同姓
者但曰星之李皆出於碧琬此尤無稽之言不足信
也碧琬之李光顯於羅李發源最遠疑其為諸李之
祖而有此說也併自念碧琬將軍之子諱求我奉順
大夫公改初名重為永則傳世不遠之時必無不知
先祖之諱而犯之之理求其後也明矣星山府院君
之諱能一戒廣平君改初名陵為能則求其後也亦
明矣隴西之李中微而再顯於麗末廣平公又為隴

西公之孫婿則不與同李昭昭矣然則李氏自為一姓恐不與三李同根也噫凡百姓氏在未顯之前泯泯無聞理固然矣當既顯之後家有譜牒國有版籍雖失於史可考於彼後孫不敏坐失事機遺此兵燹國家板蕩雖有孝子慈孫無復可為而使先代名位事業埋沒無傳豈非人道上一大欠也嗚呼生平所詳知只及於廣平君而止耳頃年三州居友人李淳子真氏得廣平君戶口於外裔李秀才天倍家蓋知同正公以下三世斯亦莫大之幸也然猶不敢以始祖加於同正公者前此必有起家始祖存於其上故以

侯子孫更加博訪而正之且念自同正于今日幾四
百年而子孫尚得綿延簪纓亦不絕世雖不得爲海
東大姓亦可謂海東世族也今我子孫思先祖積德
貽謀之大恩吾身不肯堂構之罪各自刻勸毋墜舊
業則豈非李氏之福也僣既往之失有志編譜上
自同正公及於僣之身只書直泐添入各代兄弟娣
姒又書夫人內外直泐并附于後畧成一譜以資考
閱之便又欲備記內外支派別爲全譜而中世以上
追記無憑今則子孫散處聞見亦阻勢難纖悉而隨
聞隨錄脫藁不易勗哉子孫繼述不輟倘得粗成并

兩譜繕寫粧緘藏于家家勿為虫鼠之所破勿令人
借而不還當水火盜賊兵戎之際則背負以避使么
麼毀卷之譜與李氏同存云則豈特來仍免今日茫
然之歎其於垂業追遠之道亦或兩盡矣皇明萬曆
癸巳冬十有二月日十二代孫倂謹誌

瞻慕堂林先生行狀

葛川先生之弟也以丁丑
十二月生後葛川十八歲

先生姓林諱芸字彥成其先恩津縣人先生六世祖
成槿仕高麗官至朝請郎太常博士子曰挺奉先大
夫知樂安郡事是生興威衛保勝別將提於先生高
祖也曾祖諱千年宣務郎宜寧縣監祖諱自府勵節

校尉司勇考諱得蕃成均進士性行廩靜操履端慤
爲一時間人妣晉州姜氏求仁齋貞祐之後求業殿
叅奉壽卿之女先生以正德丁丑十二月十二日丑
時生十歲而母夫人見背先生自幼天質粹美而獨
於學其魯庭訓雖勤年至十六七尚不分句讀然豪
邁有勇力又能射御人皆歆慕武勸進士公乃授以
吳子書讀訖始解文理又授以孟子大全讀未半便
即豁然於是出入諸書不數年所製詩文與宿儒等
進士公嘗疑其有物云或曰某武藝脫倫投筆則功
可易成先生曰窮達有命何必擇諡遂專意於學讀

書必窮其理而極其歸趣初不汲汲於舉子業是以
雖占發解竟屈於南宮者累矣中年患濕恙多方調
護晚歲常以景迫西山奉養無多為念不肯離側遠
遊每值令節良辰邀族友命子姪日陪杖屨採山釣
水徜徉於泉石之間以養其志嘗託詠惠烏曰一哺
歸來山易暮則先生奉養如不及之意亦可想見先
生於兄弟姊妹雖未得同爨至於友愛篤至人所不
及者多矣伯氏素不治家人產業頗至窮乏先生赴
慮措卹靡有餘力卒乃并至窮困又有仲氏未成家
業而早世撫養其孤無異已出常經理指畫營建其

家俾不失業姊之在穀百里之外者亦躬往省問殆
無虛歲性本儉約凡衣服飲食僅取其蔽體充腸而
對食必先蔬菜而後魚肉常戒子弟曰吾見世之偏
於滋味者當大故攻蔬糲則鮮能守制而全生食飲
可無節歟益事嚴明家政修舉雖不留意於農桑之
務婢僕各勤其役契濶不至屢空嘗曰世之人不勤
謀生馴致家業之零替非徒仰事俯育之不克送終
報本之禮亦廢而不舉者多矣可謂能盡其人道而
能守其祖業乎彼以不義者固無足道如其義也有
何嫌乎此則先生重祭祀急養親而不失堂構之意

也先生於色絕不近嘗久居京城隣有美色倚門白
售故欲見狎先生視之若無見焉於酒無量若遇和
已卽倚酣遣懷或至熟醉而終無愁度每居閒撫長
短二琴而寄懷曰俯仰難堪萬古知音惟有短長
琴其襟韻灑落心遠地偏之意可想先生嘗曰吾聞
人夢見死人不知其為死以平昔待之云甚可怪也
吾則每見知其已死必以死人接之苟非定力之至
安能及此嘉靖辛酉丁外艱喪制一從紫陽家禮初
喪伯氏謂先生曰汝素多疾病憂不可久先生曰
曰兄以六十之年獨能歡粥乎遂相與歡啜蔬糲而

猶不食菜果廬于墓側身不釋衰麻之服口不絕哭泣之聲朝夕祭物必躬親執之時瘴氣逼廬抗禮不回而是跡未嘗出山門癸亥太守朴侯應順具實行牒聞于監司監司李公友閔轉奏于朝甲子明廟命旋先生兄弟之間隆慶丁卯夏以銓曹薦特除為社稷署叅奉己巳春移集慶殿始至慨念殿宇欹傾卽囑府尹而新之庚午夏移厚陵是年冬又移慶基殿壬申春又移延恩殿三月赴職五月日八直殿中偶自卜其年運之吉凶得惡繇出將理行未及而遽疾公卿士友日送劑藥萬方無效漸就澌盡坐卧

須人然見親友卽欣然談笑或至竟夕初若不為沈
疴所侵困者疾革息庵朴相公淳劑藥以送先生曰
病已劇矣藥無所施然大人所惠不可虛拋勉強吞
下旋卽吐出是年八月初一日某時啓手是夕精神
不憤語言依舊急令送人于宋君大立托以措喪之
事又自命鋪席陳衣沐浴剪爪旋著衣服脩然就寢
而逝因以為襲具卽先生之命也從遊文士全集來
哭備禮治喪在朝親舊各出賻物爲送柩之資又馳
狀於京畿忠清慶尚三道監司彈力護送不十日輿
下故里九月十五日葬于葛川北中山南向之原

王考之兆側從治命也享年五十有六先生娶高麗
侍中星山李萬年之後將仕郎義安之女內行益備
貞順無違以此門中雍睦人無間言生於嘉靖壬午
歿於萬曆甲午男長曰承順娶士人權汝謙之女無
子女次曰承信娶忠順衛朴希曾之女生二男四女
次曰承謹娶司饗院奉事盧欽之女生一男二女季
曰承厚中乙酉司馬娶舍人丁煥之子縣監至之女
無子女承順承謹承厚皆不幸早世痛矣先生天稟
甚高氣質清明儀形端重操履安詳器局宏深趣味
閒曠明足以察其微剛足以任其重其存之也虛而

靜其設之也果以確動靜語默自有規度待人接物
一以誠款胷中無一點非僻之念處事無一毫矯飾
之偽俗慮不足以經其心外誘不足以棄其志其見
於容辭之間者醇厚而和平慎密而莊厲造次顛沛
而所守不變幽獨隱微而所操益堅有真實自得之
妙而處之常若不足有超卓出人之見而視之常如
不及雖在沈淪阨窮而未嘗有怨悶之色矣其事親
也晨昏定省之餘朝夕奉養之具躬親涖視之必盡
其誠自始至終益虔不怠伯氏常侍在側而先生出
供甘旨雖漁獵鄙賤之事亦必親與之不以寒暑而

或廢故家業雖窮而養親之物常極其豐裕至於時
節亦必具酒肉邀親舊以供親歡而先生慮伯氏窮
不能辦凡應用之需皆自營備焉其祭祀也居處齊
沐一準儀式事無纖鉅必盡誠敬致齊之日終日尸
坐達夜不寐一儀或愆則悄然不樂禮畢無失則油
然而喜至遇國哀常與伯氏出就外寢制盡復寢厨
恤問遺恩無不周吉凶慶吊禮無不備至於賓客往
來伯氏貧不能自待先生必從傍迂邀或酒或食隨
其有無常極其歡而人不見其迹矣至於鄉人之善
者則樂與之友而亦無急合之態其不善者則雖甚

鄙夷之而必以懲艾開導為先而初無擯絕之意故
彼雖不校其容許而無甚德意至如子姪輩必有所
失則必以嚴辭峻責之不必容貸焉其為學也雖無
師友淵源之所自而得於家庭者實多故初若不為
階梯程督之嚴而自有以異乎人之學之者矣平居
除定省甘旨之外或於暇時或於中夜退坐書室鋟
神靜慮歛容執卷潛心對越思索經義如有所得則
或達朝不寐或累日不倦如是積久所見益高所得
益多信之篤資之深存乎中而為一身之主宰發於
外而為萬變之酬酢者無一不自學問中做出而至

於為已務實辨別義利毋自欺謹其獨之戒尤致意焉於書無所不讀而功力專在於四書近思錄心經朱子等書而於易尤精其他天文地理醫藥卜筮之法無不涉獵而尤留意算數之學兵家之書多有自許自任之重九古書之盪錯肯綮人所難曉者輒爬梳剖析無不曉達而旁通矣嘗與伯氏論易伯氏以為思索工夫雖古人莫或過之或者以晷三百渾天儀為難解先生笑曰先賢尚能發揮於未形之前後學因其已形之具而謂之難解可乎居洛有人以易學算數來叩者先生諄諄解示無礙竒高峯大升聞

之歎服其自得之妙云伯氏嘗語人曰使吾身得志而有所設施則於天下事無不可擔當者而古人事業不難做得矣每有學者以性理之說請問於伯氏則必推之於先生而曰吾身知之其徃問焉平生推許之重蓋如此即胡致堂畏五峯之意也先生易箆前一日語兩孤承順承信曰汝等慎勿為惡自古未有為善而不利者亦未有為惡而獲利者汝曹戒之又曰吾於故衆有所自得處將欲纂其要以遺汝曹恨未及果也又曰所居堂舍極狹隘每欲稍廣其制扁以瞻慕不能及就云先生每言當今國不養將

將不知兵。魯夷山戎志在盜竊，不足慮也。設有紀律之兵，當何以禦之？深以為隱念。曰：談兵頗得其詳，或有以將才諱之者。偁在京師，嘗侍坐與友人語，及代資之事。先生峻辭責之曰：大夫立身當欲濟人，安有見濟於人以謀其身者？偁對曰：斯言戲之耳。先生曰：戲言出於思，偁赧然而汗。先生與人言笑，恂恂怡怡，若無圭角。及其酬酢，事變斷以義理，則截然有不可犯者。家居日，與伯氏孜孜講論，或至日昃，或至夜分者，無非古人為學之方，而絕不為崖異之行，以駭俗驚人。故鄉隣徒知先生之孝友，出於天性而不知

學問上工夫已篤於家庭墳簞之間及至盛仕之後
職務不劇常杜門清坐精積日久涵養之功晚歲益
進一時知名之士爭來講劇咸服其學而師友之自
是令聞日播都下籍甚以達於四方四方之士始知
先生學術之高明果如是也早晚乘閒往訪皆布衣
之交而至權貴雖有素分足跡不及其門獨退溪李
先生被召留朝先生累造門下從容問難及退居陶
山亦歷謁信宿問荅退溪先生深加推重云先生之
歿也朝廷士林莫不愛惜其才行之未及展布若假
之以年而一陳所學於前席顧問之下必施其所蘊

則其於古人事業果不難做矣惜乎才不爲世用道
不顯於時壽未及耳順齋志以歿豈特先生之不幸
哉先生雅有高趣尤愛佳山水在東都登內迎山在
松都臨朴淵瀑俱有遊錄且所過聞有勝地古跡皆
歷探而行嘗遊紫玉山見僧舍壁間有晦齋手跡歲
逝塵缺卽謀板刻以致尊慕之意云本縣之西有洞
曰花林素以山水著稱先生常陪伯氏與南冥曹先
生玉溪盧先生往遊焉吟詠性情談論古今從容信
宿而罷是會也豈可以尋常遊賞比哉葛川西十五
里許有蘆洞山水明麗土地沃饒初有築室之志自

號蘆洞散人厥後於距家一牛鳴地有回巖泉石最
奇絕與鄉友子姪輩告太守許公思欽謀建書堂於
其上爲藏修之所身在漢北遙援其制日待功訖噫
堂則成而先生終不得角巾歸來以遂其志可勝痛
哉可勝痛哉白首紅塵鴈原復阻每有歸歟之志爲
伯氏勸止黽勉從仕悒悒不樂者累年戊辰夏偕留
陪子都門外私筭者月餘一日拜辭還鄉先生次友
人韻贈詩曰憑渠恐洒鴿原淚莫報青衫白髮長先
生孔懷之情思歸之意溢於言外而一疾天涯竟不
得與伯氏永訣巖路千里旅櫬跋涉反貽伯氏無窮

之痛幽明之恨可勝言哉頃年先生長胤承順氏叙
先生實迹謂僞曰自古名卿鉅公道德功名垂耀竹
帛而爲子孫者必狀其行以爲家傳况我先君晚忝
一命微言慙行未著於時若無狀以記之一再傳之
後必就堙沒而吾子孫謾不知若考乃祖為何如人
的矣且謂僞長於門下粗知先生之蘊請述其行爲
子孫求慕之資僞以不肖被教育不爲不久而遠
離函丈今廿年餘其間學問之實言論之詳耳目之
所未及者亦多且僞陋不文何足以模倣其萬一以
是爲辭者久矣噫未幾承順氏又從而下世雖欲辭

得乎於是乃以昔年目睹之行之大槩親承警語之
若干叅之以承順氏之錄畧述其顛末而追思當日
步趨警咳則悲愴哽咽尤不忍成書而姑叙其梗槩
以俟他日立言之君子云萬曆二十三年乙未春月
日表姪將仕郎前南都叅奉李倌謹狀

紫溪十六詠次朴監司啓賢韻

白巖

谷邃林深絕世塵此間端合卧高人幾年魂夢山中
到面目今看搃是真

右紫溪谷口

崩湍雷吼注溪湫千載神龍此泳游莫向遊人嗔蹠
踏來窺非為夜光求

右龍湫

碧玉溪流清且深昔賢於此幾登臨客來斜日臺邊
立山鳥聲中萬古心

右洗心臺

丹崖蒼壁插中天幾代名區秘世傳一自先生卜居
後令人長咏考繁篇

右紫玉山

無復摳衣升此堂堂存人去感余腸當年獨樂尋何
處月白堂前溪水長

右獨樂堂

仙區豈獨武夷山舞鶴峰頭鶴去還直待天風吹滿
袖玄裳跨去倘同閒

右舞鶴山

七里灘應讓一頭風流不減被年裘數椽亭舍人安
在巔上閒雲春復秋

右溪亭

儘非魚也詎知魚物我須看率性初在古先生今相
國難將至味筆於書

右觀魚臺

臺邊陪賞趣芳菲沂上如從點也歸上下同流千載
興松陰坐久到天機

右咏歸臺

蘭若雲深不記年蒲團暫憩聽談天當時三笑成陳
迹窓畔尋詩獨慕賢

右淨慧寺

尋源步步轉幽深古樹千章擁後陰荷簣祇今知也
未月明吾欲抱瑤琴

右澄心臺

巖回境僻少人行溪到臺前分外清為報滿山猿鶴
友重來容我濯吾纓

右濯纓臺

偃蹇溪西翠綫重羣山低揖獨尊雄
新名換取高人
象疊巘層巒仰更崇

右道德山

掃黛穿雲溪水東千巖萬壑若相從
捫參安得峯頭
立洗盡平生芥滯曾

石華蓋山

不受纖塵隔世喧流長帆接泗洙
源微蹤却踏紅塵
路他日溪頭費夢魂

右紫溪

錦障層回蘸碧潭真源到此夏竦探
崑崙邊倘得幽棲
地雲與平分築小菴

右獅子巖

效權應仁摘松雪赤壁賦字模得十絕
庚子

露白蒼江上山明赤壁秋杯尊樂遊
客鳳月屬漁舟

天地一瞬耳滄波逝不窮飛仙挾不得詩酒托長終
吾侶漁樵子扁舟以洞天不曾知世變何用羨登仙
有客橫長槩孤光上斗牛美人西望地歌怨一聲秋
歌舞曾遊地空餘江自流吾生葉上露人世壑藏舟
坐上盈詩友樽中酒不空一生長得此何樂更無窮
天地亦一物我生則有餘清風明月也聲色終皆虛
耳洗長江水襟清絕壑風世間千萬變一笑盡成空
山水縱橫地登臨興渺然千秋是風月舉酒問蘇仙
主人方獨酌有客來問余吾知樂吾樂客亦焉知魚
摘鮮于樞野寫前後赤壁賦字模作夏寒亭十

絕

造化觀無處潛從水上知聲來風動後色絕月明時

右聖峯春花

水落露正白風清天更高千山洞一色萬里見秋毫

右烽山秋月

返照明蒼壁波光杳接天登臨不盡興薄暮更茫然

右滄溪落照

然斷江風過時明舉網餘一生謀適口非復是知魚

右鸛浦渙火

旌槩立千萬脩約又橫攀疇驚睡龍起變化須臾間

右蟠洞驟雨

興在長疇草聲從絕岸風歸來衣不脫吹斷月明中

右前郊牧笛

萬物正寂寥何處來清響歌枕夢方驚月在西山上

右凝寺曉鐘

日暮橫復斷風前半有無漁樵一生樂更有地仙乎

右北村暮烟

十里橫蒼嶺山光望復明主人高枕處長夏雪霜生

右鐵吞晴嵐

西望窮嶺壑橫空小白雉千秋四時雪影落酒尊中

右小白霽雪

和仲鄰韻

秋山誰道勝於春
澗綠崑花更見真
自是遊人隨著
眼
仙山元不管遊人

次黃從事會元韻

甲午在江陽會元從事
元帥府將向湖南辭別

臘盡關河客出西
暮年風雪助悽悽
或云風雪江陽
客出西尊前
耐別懷悽
未詳孰是他時待得兵塵淨
沒道從前烏擇棲

悠然堂記

以物觀物者物至而能適其適
以物觀心者心闕而
遂喪其真適其適也故無一其迹
而宵裡天遊自不

改喪其真也故倚著一偏而從他外物移吾樂從古
聖賢會得樂地豈假期待詠歸之興偶動於沂上而
克舜氣像呈露於舍瑟之際簞食瓢飲不出於陋巷
而鑽仰精力欲罷而不能改彼春服也沂水也簞瓢
也陋巷也特值其適然而能安之耳是豈必於是而
助吾樂哉故凡樂之假乎物者強也非真也強哭者
雖悲不哀強怒者雖嚴不威外焉故也吾友希之甫
背郭堂成扁取陶詩請記臭蘭要運郢斤嗟爾希之
子其樂淵明乎樂南山乎謂淵明樂其天者乎樂彼
山者乎一賦歸來成趣則涉園而已怡顏則庭柯而

已甯味或登東臬清風只在北窓鷄鳴犬吠蒿巾環
堵無一毫身外思無一點塵埃想觀物寓懷寓境興
感而吾天浩浩也其樂陶陶也無絃何趣趣在音前
山氣何佳不待招邀蒼然暮色入眼意會於采菊之
際真乎返迹乎無初豈有心於要見南山者哉今吾
與子登子之堂則千尺龜臺去無十步於釣得萬頃
湖田黃雲四野於耕得蒼髯夾路四時一色夏宜風
乎前溪秋陰憂玉鳴璫春宜咏而有方宅之十畝多
愛文之曰另使淵明可作吾知忘言真境不獨在於
鷺駕而歸田之作必先及於斯數者矣今吾子樂洲

明而捨在近必蔽蔽焉遠取諸節彼無乃心為外驚
而樂淵明之山而已者乎主人曰吁吾堂適成而山
仰之地古今相照然而不扁之以山名而必揭之悠
然悠然兩箇字正淵明因靜照物真意自得處是在
山乎是在淵明乎余曰然則子得之真矣至於侵晨
帶月不獨鋤穢於寄奴之園其高風餘韻至今爽人
肥骨是亦本分裏和而清底澈出乃靖節之能事吾
與子明月滿堂三弄瑤琴觴元亮於廣漠之野冲虛
之館得千載下子雲當為之賀也上章困敦清和節
飽德山人白巖散老書

貞敬夫人許氏墓誌銘并序

判中樞府事

贈領議政文純公退陶李先生配貞

敬夫人許氏墓在榮川郡東末巖里石峯之東麓而
表碣久未豎夫人之孫詠道承朝命守茲土甫莅郡
謀刻石徵銘於雲雲受先生教誨之恩忝許門人爲
之末不敢以老悖文拙辭謹按許氏先出自金海世
傳首露王後中移于固城高祖諱惟新靈山縣監曾
祖諱旅忠順衛祖諱元輔成均生員始家于宜春考
諱瓚成均進士娶甘泉文氏司成諱敬全女以弘治
辛酉某月某日生夫人於榮郡草谷之第夫人稟性

貞淑端恭淵靜司成公無胤子有二女夫人妣居長
溫清甘旨唯妣裕盛夫人生長膝下爲司成公所鐘
愛選所宜歸夙諳先生文行間世將必爲大人歲辛
巳以夫人歸先生相敬如賓至於以物授受之際必
盛之以篚而敬進居必異處家人見其不相親昵疑
其琴瑟不友久乃知之夫人事君子僅七春秋生二
男季挽纔閱月而夫人卒寔嘉靖丁亥十一月初七
日享年二十七從葬司成公墓側某坐某向原男曰
寓義城縣令家早世縣令娶訓導琴梓女生三男安
道直長純道儒士早歿詠道郡守女壻二判官朴攬

奉常正金涌直長生三女郡守洪汝栗郡守琴愷進
士朴弘慶其婿也判官生三男成範文範景範景範
縣監儒士生一男嶺今水庫別坐二女義禁都事金
止善生員金是樞奉常正生五男是柱文科是棟是
楨是棧是相是楨生員二女裴尚益李廷俊郡守生
二男嶸嶸後直長為宗孫妾產有三女一男皆幼
夫人下世今八十有八年門無舊老世乏張林之輩
閨範內則無由得其萬一竊伏惟聞先生勸早啻佳
偶到暮境念不置其賢行可知譬諸幽蘭早殞香不
及聞遠而餘馥久不散雲聞餘馥謹誌其梗槩繼以

銘銘曰夫人本宗肇首露裔膏鞠外家爰載生歲行
端令聞述逆名賢眉齊歸日蘭殞芳年厚稟壽彼
蒼杳冥睦彼石峯虬虎互形焚卜其屯役司成歲白
璧鏤彩更幾星霜山湊塞芝水流于東茫茫九原思
曷其窮有子有孫迺省迺享琢銘貞珉過者瞻仰皇
明萬曆歲甲寅春二月乙未識銘

書鶴峯龍蛇事蹟後

右龍蛇事蹟亡友李魯汝雄所撰渠從事於公最久
故得公事實頗詳今閱卷中自公受鉞之初乃至星
隕之日片言一事與夫一時義兵顛末士類減否旁

搜包括莫不裒載不特使公之精忠偉烈不至落其
於亂離之際後之秉筆而狀公行者得有所考焉隱
然有野史之遺意真鉅筆也第於其間不能無可疑
處或有宜略而反詳者有當錄而見漏者文金之敵
誓一私怨也而屢書不一書安彦之大捷聳軍聲也
而無一字之及至如首事如撫津之朴廷琬募兵如
星山之文勵靈川之金應聖之類雲布列邑皆公節
度中人功不在見錄諸君子之下而皆闕而不著其
餘褒過實疵損真多不滿意處噫志鶴峰事蹟乃
如是耶雖欲贊問而汝維不世思公之麾下終始焉

者伯由從巡遠德殿室遠而無與論議而改正未嘗
不掩卷三復而噓歔復窮自念知公者不獨汝惟從
軍事者不但一士且慮聞見之不周去取之或偏如
余之衰腐亦嘗聽公指揮荷公心知奔走行間出入
幕府耳目所及勝於傳聞至宜添削處輒標紙籤又
拈得鄙藏亂離錄中尤切於公之事者數條逐處記
之旋見卷中曾有粘紙而隱括追寫處所見先獲不
知何人所為恐後之覽者混視一手點圈以青華別
之以考異姑俟後日如德凝甫而取正焉倘九原可
作應知知我者有人而忽憶壬辰冬公在嘉樹牛蘭

中有志未就身先死之語和淚書之而還其洗馬君
焉萬曆紀元之上章困敦大壯月日飽德山人白巖
散老書于龜城之寓舍

題咸州志後

嘗見唐本建陽志載其一邦風土事蹟裒成數卷則
一統志外又別有州府志可知吾東國郡縣有志未
之前聞勝覽所載舉一漏萬荒濱絕徼雖有奇觀隱
行世無表著之者遂使谷蘭海珠香埋彩沒豈博雅
好古有不及中朝者乎我寒岡鄭相公徃在丁亥年
間佩符咸州莅郡之初慨然以崇祀典樹風聲為發

政第一事修杜壇表賢祠飾旌閭無廢不與又念本
郡溪山之秀地靈之羨甲于海邦而文獻無徵乃招
延儒士議撰郡志設局於官裏其凡例悉倣輿地志
而總目有加焉山川古跡戶口田結人物風俗輿夫
士大夫墓碣誌銘靡不窮搜備載至於村婆賤肆行
涉孝烈雖細必錄街談里諺事或可傳雖俚不捐其
品顯去取悉聽公裁定閱數月而脫稿命之曰咸州
志於是環雷封勝覽數百載事蹟了了然一部中誠
一邑之寶典未幾公謝病歸去咸之士民皆以未及
瞻出為恨辰巳之變郡為賊藪者迨七年據地烟村

蕩焉燹土雲山水竹亦為之慘裂設使當時寫置此
志能保其存乎幸惟寒岡萬軸賴公士友之力併載
於海印寺得為韋述之終南而州之志亦獲尾全是
則天也萬曆庚子冬雲與公俱旅宦京師一日雲直
宿衛所公亦入搃府叙舊之際語及茲志公即出以
示之雲奉閱一遍不但天際鄉山宛在目中撫卷三
復多少悽感憶吾鄉雖僻在海隅百年樂土民物盛
居姑以吾山翼一里言之當時戶口之見錄者八百
五十有餘而今無一人還土者一隅如此四境可知
矧乎世家士族文物餘澤有足稱者一經兵燹禍及

松楸寔銘幽碣鮮克保完後裔之或有子遺者其於
先世事邈然無所尋獨賴此志之存而耳目焉者咸
曰某山某壠吾先墓所在某水某丘吾父祖所居徃
迹先行瞭然若前日事桑梓之感首丘之思雖百世
之下油然而不能已使後之秉筆而修輿地採舊俗
者得有所徵焉然則公之於咸郡不獨遺愛於當日
能惠及沒世於戲其可忘歟其可忘歟竊又追念當
日撰志之士俯仰十許年零落殆盡目今在世者朴
齊仁仲思李侔汝宣李潯汝涵數人而已吾亦當時
家食而間或輿聞之矣今皆星散異鄉簪蓋無期他

時對卷興感當不異於今日茲將購紙謄寫歸其本
而書于後以寓夫傷今思古之意云是歲之冬十二
月上斡高昌後人吳灃謹書于漢城之寓舍

鄉梅寓興

茅村

故園春逐客窓來庭畔梅花半已開
繞樹令人鄉思動歸心飛向某丘催

咏白

玉蘂龍涎白青梢鶴膝長根移魂不冰
猶帶故園香

咏紅

粉瘦輕寒質貞姿不自堪他山風雪厲
卯酒未辭酣

次趙秀才示韻

自註示無金之什未修篇帶

一繁且次詩聖元
帥之韻氣味後

喪亂年來親舊亡鄉關門戶慨荒涼多君排憤修先

業野見義冠楠聖王

題柱初年志機應不在營身心無道路歲月自崢嶸

謗逐青杞集愁從白髮生夢中休說夢何事不關情

志以道寧詩

惟人修正貴持志志一放來歸忘躁存亡得喪儘非

此蓋由大道而深造乾乾終日復惕若念茲在茲恒

惕惕終然方寸賴以寧回視六合方浩浩外物焉得

問其聞耳目自不玩珍寶誰能先覺務引君萬古獨
有婢太保深嗟後來甘自棄舉世何莫由斯道孤形
十載志于道至今未驢心所抱潛心遺訓獨療慨聊
復長篇書小草

飛鴻閣謁揚龜山畫像詩

江南豎儒騁詭論大宋天下何紛華為為一一曰予
聖鼓鼓盲俗何由聰非執佛老弄大肆仁義路塞誰
發蒙元良故老莫能燭喋口只益懷忡忡龜山大人
一勇冠慷慨直欲排姦凶推原禍本摘其姦伏蒲獻
得如丹衷丹衷一獻天乃悟持此庶幾開盲瞽誣民

元不減揚朱辟息詎下鄒孟切是宜丹青壽萬古求
使後學欽高風英姿繪出宛如昨燁如高閣臨青空
騷人千載奠一杯忍見斜日低飛鴻

簾賦

青防隔坐芳爰風露之不入戶幃障門兮嘉內外之
有別斯制度之深意豈服御之徒飾睭堂上之有垂
悟斯簾之肇在體彼此之雖異用各宜於所適風霜
筠之細破飛紅線於綵綬量寸尺而簾長稱心意而
疎密設玲瓏而齊簾金風漪而牽地球光瓊彩之交
輝銀鈎三蠶之相倚豈障殺之獨便抑卷舒之亦宜

可愛花明之日最好柳暗之時通飛燕於高樹隔穴
蛟於低垂搖珠光於素月亂竹影於清風紛時物之
不一亦寄興之無窮王子安滕王閣上捲西山之暮
雨蘇子瞻杏花月下散餘春於雨後蕭蕭芳千冢之
雨繁繁乎春晝之永靜相對而寄幽懷幾輪吟而搖
咏吁嗟乎人心之好奇制隨時而各異或編羽而誇
異或織珠而耀視動微風於水晶散天香於鰕鬚掛
翡翠於象牙上金玉於珊瑚顧茲簾之有用豈徒事
乎玩樂揆制作之卒意噫世情之漸侈悠悠萬古之
宇宙庶見一人之可取揭隣毛以招賢在漢武而獨

取簾垂畫而政理為愷之而一美恠郤寒於同昌笑
鳴風於神室昧卽物而思則孰庶恥之是法邈余織
簾而讀書幾年手口之不輟倘得進於簾陞敲激庶
之一說

鈞溪卽事

獨村

鈞水潺湲日夜鳴前流不息後流生病夫倚杖溪頭
立物外襟懷一樣清

題許虞侯江亭

春風湖海水淙淙兩岸桃花影倒江爲問武陵無乃
是竹林深處吹閒梳

感懷

兄弟凋零我獨存
白頭心事與誰言
十年泉下無消息
踽踽人間幾斷魂

題伴鷗亭

亭在恭原景驤臺之東吾季父之別業也

白沙蒼壁繞庭除
萬象森羅盡不如
勝地待人寧久
秘遺荆今日趙君居

江從主屹海門通
大野長沙一望中
夜寂月明靈籟
息繞邊唯曉時雲鳩

納納乾坤一草亭
長江渾浩更清冷
俯看金鯽翻波
躍仰見風鷹接漢橫
肯向名場遺語在
寧藏林壑避

心兵白鷗爲伴
憑機事閒對花壇卧月明

次山安書堂韻

伊昔荒涼野草墟
如今開院十年餘
重回山水同廬阜
萬卷詩書似石渠
霽月玲瓏藜榻靜
光風披拂柳眉舒
研窮時罷閒無事
又何澄酒手自漚

立巖亭

喜君今日占名區
精舍新成潤款浮
百尺奇峯臨碧水
千章喬木染清秋
平郊渺渺橫千頃
遠岫蒼蒼拱一丘
晚歲編茅原上下
白頭同伴沙鷗

控鶴亭

劍水東丘有石臺地形高峻隔塵埃溪雲無事隨風
散野鶴多情趁夕迴舉眼南郊詩思濶回頭東嶺玉
蟾開晚將身世甘歲六不覺人間日月催

追次金東岡韻詠大笑軒韻

趙公吾益友英邁挺人豪自許風霜節常慙患難
忠誠文北寺義烈李南朝携郭同城死芳名奏岳高

附東岡本韻

嶺表堂堂友心雄氣亦豪驚聞王蠋死肯作壘山
迤義烈扶人紀英風壯本朝平生談笑處江濶
碧天高

次喜靜堂韻

自註堂乃進士李氏所居而自稱者也

謝絕塵紛獨卧斯半窓孤夢月明時心神已向閒中
靜志操寧隨物上移爐岨春深羅萬象金城秋晚幻
千奇主人長對麴無動真趣何曾外客知

附喜靜堂本韻二首

問山何代立於斯山曰天開地闢時翠巖不隨辰
馬瘦丹崖寧與濟羅移顛風急雨難摧歷彩霧形
霞謾幻奇徒倚南牕看更好靜中真趣怕人知
山曰胡爲慕在斯喜隨樵牧不隨時才無餽餽難
乎免性有世愚豈得移落落自憐生計淡期人

笑語音奇椿堂問寢孫摩頂此外天知神亦知

立巖挽章

頭流一支東走來鎮作餘航撐碧落祥雲瑞霧鎖不
開孕精百年生人傑煌煌趙氏稟淑氣麟駒鳳雛綿
綿出峨峨冠冕半州人世居巴山稱巨闕吾君生長
富貴中早向詩書勤暑力悲哉命與仇為謀抱璞王
庭終見別生涯晚寄水雲鄉採山釣水甘契濶徃在
壬辰國運否海寇百萬紛馳突嗟余與君渡鼎津分
散蒼黃爭草伏鄉園兵火久連天靡室靡家幾朝夕
戊戌年冬賊還巢故國風烟愁寂寞已亥年春始歸

來舉目惟餘古城郭白首逢君各垂淚誅茅連舍儉
溪曲閒中興味寄一局謂保餘生長享樂冲虛襟韻
絕塵想與物無為生事拙那知不見數日內音容遽
向重泉隔驚呼不覺哭之慟半憲月黑腸欲裂潘鬢
雖白氣尚強豈意如今先我沒一箇閨彥孝弟人才
調無倫誰第一愛親丹誠出天性血泣晨昏餘病骨
雙眸欲枯淚澈泉鄉里咸嗟誠孝篤有子如此有不
憂此日佳城可瞑目九原應見我父兄大羅何處同
才寸父兄如問我消息衰病年來頭盡白膝下艱難
保子姪僅得今冬婚嫁畢三兄登第一司馬可保門

戶傳家業丁寧為我善報道泉路茫茫鳴吊鶴龍華
山下洛水濱一片荒丘萬古宅松檜蕭森北風吹獨
也君魂應夜泣臥病三月不出門數聲戴歌淚沾臆

祭李龜崑文

桐川

嗚呼先生早擢魁科晚益好學淵源有自遠宗伊洛
明體適用目牛無全為親丐外誠孝極天泣血三年
眼有昏花辭疾不起如蒼生何橫罹是非不較短長
度量難窺千頃汪汪小子無似一拙龍門擬將負笈
聞所未聞母病臥床竟遠厥志景仰方深凶音遽至
斯文已喪籲天無路庭闈病甚未暇出吊襄事已過

亦未來哭情禮俱闕悔之何益聊儲酒果祇薦菲薄
不亾者存庶幾一格

己巳初夏自劔溪還歸安德時次舍第克成別

章韻

望雲亭

悠悠離別水東流却恨如今赴遠遊巴岳雲深君獨
憶葛峯雲暗我添愁停盃但祝雙親壽上馬惟期八
月秋況也臺兒情眷眷忍看清淚滿雙眸

早春賞梅

栗軒

白白紅紅凍不開會稽清節報春來憐渠冷淡開琴
酒風送清香入玉杯

次舍翁韻奉別望雲兄還歸安德

開造斜日俯清流相對琴歌作逸遊但學芳園李氏
樂寧知遠別竇君愁眼看綠樹陰如夏情倒離樽爽
似秋想得今歸多眷戀有山高處可回眸

桃源主人送漁舟子

律詩

五更帝罷嶺頭猿曉日朦朧半石門歸路遠隨雲萬
疊離情都付酒雙樽春光淡沲浮東野佳氣葱蘢萬
北園懷抱異時多小事慙慙今日為君言洞房非是
神仙府姓字今從版籍論玉闕九重常逸樂長城萬
里築煩冤荒村不見人蹤跡青海猶聞鬼語諠蠢蠢

牛羊愁斧鉞冥冥鳩鵲脫籠樊架品鑿谷宮猶儉夏
葛冬裘俗大敦日去月來忘故土年深歲久喜成村
酒肴得必談朋友鷄黍烹當養子孫葉落花開知節
序天明山暗度朝昏盤耕不識君臣義生長猶知父
子恩境裏衣冠泰日月客中談笑晉乾坤床頭既得
論今古心上何曾較簡煩別語三盃情未盡行杳幾
步動遭援回看縹緲波千頃相對蒼茫月一痕歸去
明朝如有意武陵他日覓溪源

留安德憶鳳城家累

已亥秋
寓奉化

立巖

留滯歸期曉思家夢不成隔窓秋夜雨空聞斷腸聲

贈別金而和而和名中清奉化縣人己亥冬南下義城時贈此詩為別

晚退秋宵月疊樓夏日風開懷談笑處面憲別離中

附而和次韻

我愛趙老子休休長者風別來思表範耿耿此心

中

夢入劍溪庚子冬寓居義城舍谷村

故園今夜夢惆悵恨難勝牆角梅花雪巖頭瀑布冰

贈別邊司錄司錄名慶胤郡守以中之長子也

夏日萍蓬欣若舊秋風雲散倍依然明年想有南來

事須及溪花未落前

附邊司錄次韻

勝界幽人俱可愛別懷秋日共悽然
嶺南千里非無地
竟夢長回劍水前

猶子繫獄

猶子如何縲紲中
錫原回首涕無窮
支頤默坐書空字
痛恨年來命不通

寄贈獨村翁

白髮年來共作隣
手談相對劍溪濱
問君何事蠻齋

上強戴儒冠更誤身

獨村公與居接儒生久留
歸舍故寄此詩以戲之

又贈獨村

增與
村爭某首煎花之
句及之亦戲之也

凍雨霏霏洒石砧寒聲淒切八虛窓睡餘忽憶煎花
約知我慕才信少雙

盈德清心樓仰次耐軒

太父懸樓韻

贈主倅李大期

白首漂淪客尋君到海城登樓覘自爽臨水意何清

樹老風生閣簷虛月滿庭

風生閣中唐所謂知風之月滿庭孟子所謂容

光必照也主人為政義終日訟無聲

又

先祖鳴琴閣今餘兵後城擁樓山自碧回郭水空清
題上塵埋字軒前草沒庭傷心追感處風樹動悲聲

雙岳亭

亭在善山高士品

金羅傳信錄下

兵後古荒村客來松作門
高峯思冶隱鶴出憶孤雲
江去三義盡山從白岳分
一亭風味足萬事不宜聞
丙午暮春溪上偶吟

坐見三春暮蒼茫細雨天
綠陰村邐外芳草野橋邊
惜老開新釀傷時憶舊年
高齋臨碧水登眺轉悠然
奉別望雲兄將還安德初夏

一歲三春逐水流
弟兄談笑幾同遊
連床和悅連床
樂兩地相思兩地愁
分袖綠楊鶯囀日
成行黃葉鴈迴秋
臨離豈獨增吾恨
不耐情兒淚滿眸

溪堂詠懷二首

辰巳亂前作

身閒無事臥溪亭
笑殺區區世上名
好把釣竿臨水
早每逢樽酒舉杯輕
籬邊疎竹叢叢碧
品下長流曲
曲清無物到心規
自爽剝看新月透
窓明

白髮生涯寄一亭
幽居還怕世知名
烟霞風月閒中
趣
留貴榮華分外輕
朝對遠山山遠碧
夜臨流水水
流清此身自幸
昇平樂每向樽前祝
聖明

題舍谷林亭

一亭瀟灑綠陰濃
四面山光聳碧空
斷續鶯歌林外
霧高低麥浪壠頭風
孤村寂寂鷄鳴裏
民物熙熙大
呖中遠客登臨時
縱目十分清興浩
無窮

經亂後初還鈞溪

白頭書鈞因風塵異地飄零度幾春
謀拙未能充口腹才疎難可任經綸
歸園最惜年光老尋古偏憐物色新
風月有期還作伴百年閒卧養吾真

溪上尋春

東風三月鈞溪頭與客携壺俯碧流
縹緲雲山來醉眼蒼茫煙水入詩樓
長郊草色迎風亞蒲樹花香帶雨浮
惆悵十年流落客故園今日作春遊

溪堂秋興

秋涼蕭瑟動郊墟獨卧高齋興有餘
魚躍溪潭風定

後葉飄颻。雨過初百年。行樂罇中酒。半世襟懷案。
上書松菊。滿階塵想絕。夜窓猶見月光虛。

立嵒挽章

鵲溪

同閭同業。又同源。偈切相將四十年。暮境更期雞黍。
約遠分生死。淚如泉。

五賢從祀後有感

安大丘

文明今日五賢尊。正脉由来有所存。白日青天千萬。
古君君父。父是誰恩。

過晉陽城憶金鶴峯賦

僕本恨人。慷慨不歇。直念古者抱忠而歿。睢陽之巡。

遠豫州之士雅尚能淚志士於千載况當時在人耳
目想像乎儀刑駐一鞭兮晉陽城云誰之思鶴峯先
生嗚呼先生真箇萬丈峯孤鶴平生直道疾惡而激
濁立朝幾年垂紳而正笏壬辰變千萬古所未有公
乃持招諭之節函飈捲地而虐焰滔天非先生孰可
以收拾得一生於萬死倡大義於宇宙當是時也天
地鬼神亦為之感動其於激人乎何有同東爨之此
心者莫不投淚而應募凡有血氣者咸思討賊是可
見人心之難誣天理之未滅 王曰子嘉汝忠汝其
巡察乎南國拜稽首今天之此益殫忠而竭職向白

日兮心耿耿孔明死而後已堂堂正正挫兇醜之氣
恢復指日而庶冀吁嗟乎吁嗟乎出師未捷身先死
雲天暗兮江風吹士卒之哭聲如雷豈但使蜀婦之
盡罄山川草木皆含哀先生之魂騎箕尾而歸上天
先生之氣侑山河而壯南州有客兮來過憶先生兮
悲不收安得酌汨羅而為酒慰忠魂之所埋雖然先
生不死以一州之力猶得保障乎江淮先生既沒合
四方之士未免一城之陷沒固知先生之生與死在
彼天而非人力悲歌兮數曲有淚兮一掬

鵠不浴而白賦

暑觀夫鵠之白乎天賦之形天與之色謝人世塵全
自然潔夫孰云皎皎者易汙雖不浴而亦白爾乃羽
族中一物何獨保此靈質朝三湘兮暮七澤任天放
而鶴鶴霜毛無賴於滄浪雪翻何由於刷濯豈其有
他故兮曾不變其所賦白兮白兮載濁安可以汝汙
振之而凌九萬雲霄超然而度三千弱水俯視飛啄
堪笑飢鴝反以觀乎吾人初莫不稟明德當其寂而
八動白自生於虛室是不浴之一鵠顧何勤於澡雪
縱難卽江漢以濯亦可望撓之不濁及七情之莫禦
靄白日之翳空長夜茫茫靈臺晦塞悲絲幾人莫黑

匪鳥宜反其初性豈然乎嗚呼白與不白天理人慾
可以人不如鳥乎空賦鵠而嘆息

次空中樓閣賦

子不知夫空中樓閣等離婁之明無所施其繩墨公
輸之巧無所用其尋丈倚太虛之寥廓圍混元之氣
暢基本自無極太極樓閣恍有象無象墻廡幾乎數
仞豈及肩之可並強名之曰空中非俗人之可狀余
十五而始聞至今白首其未訪思昔杏壇煙沉陋巷
草盛奎星千載洞開門爽誠意關復開手癢洛誅泗
之淵源深長知歸宿之有地兮驗元氣之不喪升其

堂兮入其室而既創之狂浪天君更命乎一閣作世代之景仰却是出人間乃居人世上陰陽運其材宇宙為棟樑拱靈臺兮難可尚千門萬戶次第開天光雲影之可賞無名公兮為主翁揖氣像於蕩蕩太和湯兮打率窮學海之濛濛躡天根於足下探月窟於手堂來水面兮風清到天心兮月暎遵孔聖之正路對堯舜之儀像邈無中之舍有超俗子之塵影三十六宮萬物之皆備不舍晝夜逝者之演漾花似錦時高閣望風興難竟駕風鞭霆歷無際浩氣其壯體仁則而全德制氣率而收放風花雪月範圍於一樓中

多虛消息盡歸於畧領陰闔則斂方寸而充養陽關
則彌六合而寬敵誰知隱然之高閣抱一氣之生兩
許君親見伏羲來萬象森羅而昭炯行不由乎昉迺
詎措直而舉枉萬理明盡寸雲無得以蔽障直達天
德幾多蒼生之屬望杜宇已鳴於天津空弄丸而養
靜慨時君惟宮室是崇民孰曰庶幾無病玉清宮神
霄宮萬歲山之殫民力曷若尊此閣而極其廣有臺
池君誰與樂遊矣我雍熙之時政撫擊壤之遺篇想
皇變之不讓吁嗟乎一朝無主更誰賞乎此景畢竟
宋天下付諸醜虜君子之不韋而小人之幸嗚呼河

圖一出道脉井井琴空寶直寥寥遺響文明末日有
閣凌壤瀛溪明道伊川橫渠大袖先生一時斯閣乎
來往宜自家之偶成傳上右之玄聖無是人則未可
登斥百家之邪妄猗紫氣之出井益修之而期永有
是武形容四字為後學之宗匠閣萬古而不毀孰云
今也則曠蓋非人之收作乃自天之所命滌風昏雨
莫之搖此閣青天白日掃一點校明鏡哀余生之汗
下沒所賦之明性仰高樓兮難可攀立漱卑而嘆咏
然一脉之可尋聞築址之由敬曰勉循而合及免土
牆之面何處可窺乎門籬得說乎會衆理而為之屏

然後廟內聖分王之學於吾君俾邦本無抗體之
危有盤石之靖也

六十化賦

驗無窮於進德由有改於知過表雖至其甚矣道未
見其止也聞尚化於六十知有範於千祀是為山之
九仞豈易功於一簣美君子於人也實大夫之賢者
學初就技已克亦行務於過寡事傳由之即改非冉
有之自畫功既進於有餘力何患其不足若未及於
檢身如不能於遷善忘余老之將暨冀余質之盡瘁
悔有過之昨非覺從善之今是道苟至於朝聞身固

可於夕死懼未信於吾斯戒何有於我哉過與化而
俱往善遂新而方來既無倦於一日宜有化於六十
同變化於天道到聖賢於地域縱不及於無過亦可
幾於不貳意上聖之難得伊學知之亦貴然難勉於
年富孰自強於身老精神衰而倦勤血氣弱而昧道
猗賢哉之伯玉嘆允矣之君子年百年之強半心一
心而勿二宜夫子之稱之發深嘆於使乎余大觀於
今世庸有同於古人尚無聞於四十況能化於六旬
咸自廢於中途竟同歸於下愚曰余生之縱魯亦天
賦之同得嘉衛武之一戒服南容之三復庶改有之

勉無與遜氏而同適

設壇拜將賦

大哉漢高之拜將也一代殊禮萬古罕遇拔行伍中
置三軍右自古拜將者非一胡為乎禮也非常吾知
設壇之雄謀必如是後克當嗟嗟當日龍虎天地何
時可定紛紛名字英雄豪傑其伏也無盡得君而
求試若有人方趑趄展也世之男子惟明不可與
有為盡歸求乎仁義然未遇夫虎嘯人知無風則
亡焉何處杖頭壯略國士無雙知者相國部知一信
之返天威成夫漢業大丈夫不用則已用之則非大

將不可顧隆準之真主實輕士而善罵禮苟同於諸
將夫豈可使留也况受辱於胯下曾見笑於一市倘
不設乎異數固難鎮乎衆志予以命方一壇禮其人
方拜之彼何人方碌碌謾相顧而爭希竟一軍之大
警無雀安知鴻鵠昔身編於亡卒今位在於上列時
乎哉得意之秋抱雄圖方何待定三秦於一舉成大
功於五載信乎拜將之日可知天下之一嗚呼天生
豪傑之主必錫豪傑之臣固知非常之禮乃加非常
之人觀後世抱才而悵悵視設壇方何若獨惜乎烏
盡弓藏竟未全其終始也

天馬老能行賦

覽駿才之地用悟神物之天生既少壯之異常寧老
大而難行故身衰於一夕尚志思乎千里嗟渥洼之
產質實房星之鍾氣澤文彩於雨露資格力於雷風
卑漢帝之紫燕陋秦皇之飛鴻掃千羣於苑西空萬
騎於冀北偉逸氣之凌厲超壯志之卓越踰發玄圃
之星影沒崑崙之月欲無強於行地期有媚於馭日
何身世之蹭蹬登菁華之趨忽懷壯年之長風驚歲
暮之寒霜然筋力之不衰尚氣骨之能強非管子之
請釋異田君之願贖鄙駑駕之盛歎笑歎既之疋瘠

身苟遇夫一顧價應增於三倍可騰驤於八荒足超
越於四海生風雲於地下起霹靂於嘶中造王母於
瑤池訪廣成於崆峒無玉庭於漠南有繫頸於越東
信能行於既老詎無用於已衰噫寒風之未遇慨伯
樂之不知世嘗喜於壯齡時孰貴於老齒縱餘風之
壯哉祭身老之已矣伺天衢芳長鳴望日邊芳永嘻
宣神駿之獨然在人傑而尚爾稟出類之雄才拒致
遠之大器才豈止於百里志固在於一試身半世之
虛老心萬里之遠遊或白駒於萐野或匪熊於渭濱
見騁幣而來高聞善養而歸周廡踴躍而被甲馬矍

鏢而捷鞍馳壯氣於東胡騁雄心於南蠻始雖失於
東隅竟能收於桑榆衰老杜之羈繫困長途之崎嶇
病欲蘇於秋風心尚壯於落日賦天馬之一句激志
士於千億若有人方人中龍撫餘音而歎息重曰天
馬方天馬虎之脊方龍之臆少不試方老能行吾嗟
爾之爲龍千金市骨人何在日暮長悲野草風

大會孟津賦

大哉孟津之會也下以順乎元元上以應乎赫赫臣
三千而一心國八百而同德自古兵革者非一吁嗟
乎有若時雨德雖愧於揖遜心實符於義舉際魴魚

之顛尾錄言鳥之運託君不作於六七受浮罪於夏
桀天之方殲可哀匪民乃眷西土西方義人豈不欲
三分有二迷文考之服事嗟觀政固有懷心予不得
乎不已於焉不順殷罪惟均乃告皇天遍于羣臣自
鎬京王于朝安孰不曰商罪可伐濟濟何處彼河一
曲天時孔合春王正月桓桓士卒望受都而虎躍赴
赴老將指商郊而鷹揚黃鉞耀日白旄凝霜稱爾干
戈比爾戚揚洋洋一水其會如雲近而來者友邦眾
君遠而附者庸蜀彭濮壯矣哉不可尚已自古帝王
出師以來未之覲也遠邁夏啓酌臺之大享近光商

湯升臨之誕賞顧不可以無誓勅西土而聽命有道
曾孫將有大正予豈獲已天命人心苟一毫有伐殷
之心有河水之其深戒爾有衆無敢越厥六軍同聲
萬姓咸曰大哉王言一哉王心非以臣而伐君誠獨
夫之荒淫於是天人一心風雨協力驅馭馮夷叱咤
河伯河之水芳有安其流天休震動見白魚之八舟
和氣已凝下洗兵之夜雨誰知應天而順人由此河
之一渡尚桓桓如熙如熙不愆乎六步七步笑前徒
也倒戈彼如林者何補有征無戰王者之兵一戎大
定會朝清明洗靈炤於宇內播仁風於九有兵無待

於再舉民自安於一怒斯孟津之大會孰有競於
武嗚呼孟津之會天也人也苟非天而非人豈欲會
焉其可使當時不有此會舉境蚩蚩之誰濟一語湯
書可見吊民之志三篇恭誓是知伐罪之意聖何心
於征伐天不私乎有德雖然有武王之聖而有商受
之惡則孟津之會順也非僭也非武王之聖而非商
受之惡則孟津之會僭也非順也彼後世之所謂會
者僭耶順耶吾不知其然也

學而優則仕賦

余觀夫古之學者治人必以治己故窮養所以達施

修天爵人爵自至苟不吾斯之未信吾知夫賊夫人
子賢哉商也之立言學必優考乃仕嗟君子抱負之
至大藹然萬理之咸備若不融求則得之是自棄而
自棄矧天之生我一身澤加民於得志學不優考使
治民豈云從政乎何有肆古人先學乎所學未成
而自守年十五始有志考曰余強仕於四十窮格物
致知之要盡修已治人之業學既優優其大哉達可
行於天下然後吾將仕矣以先覺覺後覺也萬代皆
在共度內豈不綽綽有餘裕信乎學古而入官方可
云所學不負噫君子其學其仕非衆人之所及窮則

顏氏之陋巷守顏氏之所樂達則伊尹之幡然布伊
尹之所志學之未優染離開使仕不仕學之既優咸
築夫爰立作相起經綸於心上由有素於充養夫何
小人之昧道般紛紛趨利是急不為已而為人我不
知所學者何學彼皆曰何必讀書慕子張之干極鄙
夫難可與事君祇以速累而招孽余囁囁於故畝嚶
嚶然古之人服古訓而有獲知不欺乎吾身俟他日
吾學之有餘吾將釋耒於莘野也重為戒曰君子之
仕學優而仕小人之仕不學而仕嗟嗟小子汝為君
子仕毋為小人仕

韓刻鮑信彤賦

大丈夫霍光岳正氣死無愧於天地曠百代尚可相
感矧當年之親親義哉莫刻之一事千載下死而不
死堂堂鮑公男子中之男子生丁火德之運衰吁嗟
乎北風其涼幾年身相於濟北期與國而同亡痛黃
巾之猖獗勢孔熾而難遏天孰有敵王所憚爭鼠首
如不及偉若人之忠憤礪素志於介石非不知力盡
而兵疲曰有一死而報國唾手仰天頭上漢日嗟爾
將士與子同仇奮義膽而慷慨橫壯氣於霜秋已矣
哉強弱之異勢天日不照余忠赤事已至於瓦解壯

士死兮山河裂風雲兮動色宇宙兮含怒傷心白骨
兮何處荆草斷兮寒月苦然當時面目之在人胡寧
俾也可忘盡遺像之是刻表不世之忠良縱儀形之
非真人所慕之在此予以命兮公儻豈但畫像之可
比爰是美帝是祭足以慰九泉之忠魂信歲寒可知
松柏宜事亡如事存指之曰表忠之甚瑩吾知其魂
兮歸來自古死者非一何獨使余興懷至今荒草千
秋幾過此而敬吊安得斬萬古不忠之徒懸子墓兮
為後效也哉

進學在致知賦

千萬言聖訓何從大要只在於修業浩浩道下手底處工夫當先於窮格故君子不學則已學之則必致其知奉河南之詔我悟入道之良規嗟吾人萬理之咸備求在我則得之苟不能學如不及是所謂遊騎無歸然徒學不思則固吾恐進步之無地肆學者最初用功窮事物之極致試觀天下之萬物有是物必有是理天地吾知其博厚願何由而博厚日月吾知其高明致高明者何道子何以則盡孝臣何以則盡忠推之以事事物物皆有理而可通我欲知斯可知矣夫豈遠求諸物宜致思如掘井務汲省而會得物

何物而不格理何理而不索念念分提撕存此心於
靜一件件令喫做窮此理於思辨無全牛於眼底應
萬事於方寸既理會之得多心自至於透徹觸處之
無不洞然亦安有夫扞格然後知而極也學于何以
不進信乎思則得之君子胡不自警彼誠正修齊之
道樂由此而上達思曰睿之作聖又何患不到地域
噫生知非聖難知孰不學而則獲回也之聞一知十
由默識於知愚曾氏之真積力久明吾道於一唯有
為學不本致知其學也學其所學步山谿之茅塞吁
嗟乎今之學者般紛紛買櫝還珠吾未見其進也曰

余非曰能之援古訓而自警思致知亦有其本必祕
養而用敬焉哉乎吾黨狂簡蓋於斯而痛省哉曰君
子必學學而後有為君子必思心之官則思致知進
學夫豈二規知所先後則近道矣

王若曰建官策

臣對臣聞周書周官之篇曰明王立政不惟其官惟
其人又曰官不必備惟其人者哉訓也實萬世人生
之龜鑑也恭惟主上殿下承十五之烈弘一代之
規俾君作師闕睢之意斯幾有典有則周官之法已
行猶且惓惓乎施措之失宜惓惓乎治教之不古獨

運宸衷可也而疇咨于百僚百僚可也而廣詢于多
士大哉王言此非簞食之臣所與聞也雖然十年窮
經願聞顏淵之邦百官圖進潛懷仲淹之憂伏退衡
門節屋空仰今也才選唐殷獲列虞庭臣若不言臣
則有罪伏願 殿下勿以人而廢言也 臣伏讀 聖策
曰若稽唐虞止先王之遺意歟 臣奉讀再三不勝隕
越于下 臣聞天生下民天不能自治付之君而治之君
主乎民君不能獨運遣其官而任之是以有一代之
主則立一代之制立一代之制則興一代之治在位
在職而天工人其代之有守有責而為政在於得人

噫達官之意豈端使然哉姑就 聖問而歷陳之則
唐虞之官百夏商倍之周監二代其數又夥豈不以
制度寢備簡繁隨時而稱軾所謂其勢則然也其間
職掌之數無攝之詳臣有一說焉孟子之志載籍不
火去古未遠班爵之制已不聞其詳一介愚臣去孟
子今幾世而可得以詳說哉一部周禮可知其詳畧
若夫當時若采名登之人則臣隣濟濟百官師歸於
斯為盛矣唐虞既遠三代去邈惟彼狂秦事不師古
漢氏繼之天抵襲秦紛紛改作粵自達元甲水重興
深懲前失從約有官有由然矣唐之興也亦異其制

名號稱秩損益因時夫何大畧踵彼亡隋如文散武
散之類斯可見矣太宗才智之主也終不能革亂世
之陋曷治代之制臣以語此太宗之所以止太宗也
貞觀之制貪過七百開元以後漸至累萬原其源
實於先賢所謂輕宰相之體事非可法雖多亦不足以
為至於有宋訓迪厥官三省四益之并設六府九等
之共建以至廿四司名則然矣雖然宋朝家法失之
優游存名幾實譏不能免嗟乎三代以下臣不欲詳
之則漢唐宋之建官定制臣不知孰得孰失也鴻惟
皇明建極中天設官規模固已復出百王基命體

範可以密範于千齡良由太祖高皇帝高世之見創
物之智其慮之也遠故其立法也詳其憂之也深故
其定制也密監漢家而殺其權綱維於是乎不紊我
唐朝而省其負職任以之而共理忠信厚禮所以勸
大臣也節祿之制又非宋代之可比而神謀遠算何
莫非斷自一人之衷以定百王之制乎然而聖人之
治必濫古制則其曰六尚書者非九官遺意乎其曰
布政司者非十二牧遺意乎聖天子制作必有所受
矣臣伏讀 聖策曰我國家官職之設止復見歟臣
奉讀再三不勝隕越于下臣伏以惟我東方壤地雖

偏有君子焉有小人焉任官授職誠不可不謹也肆
我太祖立經陳紀遠師隆古近倣天朝內則公卿
外而侯規模纖悉制度備具承以父子繼以文孫
然而法久則弊弊生則微今欲深戒唐職之繁以省
漢官之冗則有違百年之成憲動搖一世之人心今
欲周家之官盛襲先王之舊制則才難有發於古語
乃僚難盡於慎簡此固輿論之不一者也嗚呼官不
必備而政由俗革則二者之論必有變通之道矣惟
我殿下臨政願治年茲十八三年有成已見其效
必世而仁期過其半凡百設施必欲師法乎古故有

所注 措致皆允合乎時宜我朝鮮雖曰舊邦建
殿下其命維新矣奈之何事有宜於前而不宜於後
者法有行於古而不行於今者置置者皆是作爲則
輒被牽制泛泛焉猶昔玩揭則空費乎時月冗其位
而官不得其人尸其職而不稱乎其服明王之作千
載一時而世道之降如水益下宜 殿下乙夜丙夜
宵焉旰爲之不暇也一國臣民孰不拭目觀化而當
今事勢一至於此臣實痛之嗚呼法無前後百王同
其法度無古今千聖同其道王敬行之則周官制度
豈有古可行而今不可行者乎臣聞宋儒程頤有言

曰必有闕睢麟趾之義意可以行周官之法度然則
一殿下法度之行猶未及於周官者豈非 殿下之
美意有不及於闕睢麟趾耶故曰徒善不足以爲政
徒法不能以自行誠願 殿下上以唐虞三代爲法
焉中以漢唐宋爲戒焉近以 皇明始亘我 先王
家法爲之法焉官額過多則不拘於成憲而省其冗
大臣在位則亦當遵舊制而盛其官有所不官官之
則惟賢也有所不職職之則惟能也臣鄰協恭魚水
一堂則周官法度安有不行於今日而任官惟賢之
義不難致矣伏願 殿下體念焉伏讀 聖策曰子

諸生止予將親覽焉噫雖大舜之好問周文之乞言
不如是也臣學昧經世才乏遠施何足以奉大對乎
雖然初見君父不敢有諱則臣請就 聖問中省冗
官一說更籲其餘意於篇終可乎 殿下以今日
為何如時也西北之空虛雖極而東南之民力已竭
足兵足食之道束手無策廷議紛紛誰執其咎如此
而徒拘成憲不省冗官則兵食何由而裕民力何
由而得舒此非愚臣之臆計也宋臣李綱亦以省冗
官為裕食之急務伏願 殿下深思焉臣謹對

重修鄉案序

梅竹軒

吾郡古五伽倻之一也方丈一支東洛洪流蜿蜒焉
渾浩焉為襟為帶而清淑之氣釀靈凝精自古將相
人多出焉郡之大姓望族曰趙主姓也曰李載寧也
星州也驪州也仁川也其一亦主姓也曰安順興也
廣州也曰魚咸從也曰金善山也蔚山也曰吳高敞
也曰河晉州也曰朴密陽也慶州也其他姓氏不暇
盡舉而皆大蕃衍名卿鉅公相繼輩出故地雖濱海
而家絃戶誦俗尚禮義風傳淳朴朝野咸以士大夫
鄉綰之則宜鄉射有堂而座目有案也第以邑中人
物其麗甚夥玉石不可以同櫃薰蕕不可以同甕則

其之遷歸容可已耶有案藏諸鄉射中古為四禩所
火而重錄之上庠朴公德孫序以書其顛白其繼紀
簪纓之族東成一大卷衣以錦編以鐵而鄉大夫趙
公應卿亦譜舉鄉之族並藏而典守之堂在東門外
狹隘不能容隆慶壬申大而新之敦治其事者趙公
庭彥趙公城也每年春秋大設講席少長咸集序以
齒不以爵禮義雍容衣冠整肅皆倣呂氏鄉約而為
之不幸壬辰之變案與譜俱亡使二百年祖先名位
遺跡一朝失墜嗚呼痛哉丙申年間詔使駐釜山
兇賊穴海臨于時安侯沃鎮撫于郡西防禦山之下

有四五鄉老相與語曰亡失鄉案文獻無徵吾輩數
人若一朝就木則年必子分何以知先世之諱某曾
某何以知先世之系出派分亦何以知吾州人物之
盛衣冠之義也重修之責政在於使吾仲父掌其
事而洵曰謀會朴師傳李清州諸公暨吾先君言在
焉相與追記今古塵目列書其次而兵燹之中死者
多生者少寧不痛悼也哉時日搶攘姑爲草紙以待
事定丁酉秋賊再動李君壘卒貧懷而全其族凱固
神明扶持其有待於今日者乎歲成冬冠退已亥春
遷鶴回翔福嶽松楸人子之情豈時有此於願歟及

其叔而安厝也則諸公又相與語曰情事已伸案亦
可修方謀成籍而不幸先君奄忽先逝人皆謂鄉失
著龜殊無樂意而在世之人聚散亦不一清州公在
晉師傅公之洛雖欲為之誰尸為之今幸清州公來
莅檜府仲父謂李君幾曰清州公在近君亦為座首
君其勉旃以既厥事於是李君慨然往議于清州公
始克成其籍若非吾李君誰能任其責而勇於成乎
嗚呼吾南乃國家鄒魯之邦而吾邑即鄒魯中之
鄒魯也奉展此案某人居是邦某公居是邦某也某
之先某也某之祖其禮義之隆文物之盛至今在人

耳目赫赫若前日事則十年賊窟無一人背義而附
賊者殆亦吾儕祖先遺風餘韻之所及也歟噫國
朝以來案之流傳凡幾歲矣一不幸而火於中古再
不幸而亡於壬辰中古全盛之時非無曉暢古事者
而重錄之際不無遺亡之患况今板蕩偏方人物百
無一二則乃謂曉暢古事者豈易得哉幸我二三諸
公通慣古今而重述之自丙申至今凡八年之間將
興而旋廢幾成而復毀僅乃成之則茲書之脩似不
偶然而不幸之中又有幸者焉噫物之廢興成毀相
尋於無窮則自今以往安保其永傳不朽也今人得

一金玉珍翫之物猶知愛護而襲藏況此案何如物也子孫藏守不朽之心將無所不至矣昔蘇子瞻以先人所嗜之畫托於浮屠閣以藏之意欲使之傳之無窮此亦孝子慈孫之心也況今此案則非片畫此也鄉射非佛閣此也與守之人亦非浮屠者之比也則陵未遷谷未變之前亦安知幸以傳而不朽也惟願風憲諸公器而藏之寶而守之如遇水火盜賊則背負以避勿使有前日遺亡之患且營一堂復脩昔時講會之規則豈非吾鄉之一大幸也其勉之哉案之將成父老屬余作文以序之余以後生不知顛末

且以文拙辭之僉曰不可其敢不承 萬曆癸卯十
一月日鄉生星山後人李明忘謹序

客舍上樛文

挂棟厄龍蛇之歲物幾搜方星幾移虹樛駕鴻鵠之
程輦已飛芳鳥已革恢拓百年之規制聳動一邦之
視瞻嶺封疆為東南之雄巴山水居晉固之右餘航
鎮峙乎南境方丈一反鼎津經帶乎北疆洛水同流
生童紫丘之屏列碓岳蓬山之雲回伊茲宇之正基
乃一邦之勝地踰緝豪傑之藪將相接武磨肩甄成
鄒魯之邦絃誦盈門開戶雞鳴狗吠之四遠鼎食

鳴芳萬家別起高樓禹使君留名於扁額大修新館
張太守遺愛於民心擬觀輪奐乎千秋豈料東晉乎
一夕池塘竹樹兵車蹂躪而廢為丘墟月戶風煙烟
火焚燒而化作灰燼城郭樓臺處處是人物繁華指
地空幾前人之捨與幸此日之經始太守朴使繼升
後裔忠賢胄孫選吏而牧疲民早著字惠之績視
虎榜而登顯仕晚膺金玉之榮繡軒久輝於漢京
章旋耀於蜀郡殫一心於衆務擬百廢之俱興登眺
山川感遺墟於遼鶴追懷金盛撫往事於風燈地不
辨舊日之文明人但知今時之埋沒不有館舍之宏

傑難成都邑之儀容來汝衆工可始事而趨役訊彼
故老已不謀而辭同落棟楠於雲中萬牛面者丘山
重齊龍斷於日下千斧翻鉅霹靂飛仍基於四會之
躔授規於三農之隙要已得於識務役不煩於踰時
突兀瞳矇乍明乍蒙太古元氣之盤結龍庭顧者若
崑崙紫天閭地門之開張金娥納月於璇題彤閣架
霧玉女擎星於網戶青廓隱烟雙虹飲星宿之河六
鰲戴蓬萊之島高欲擬於日觀麗堪訪於海樓順陰
陽之往來闔闢寒暖列岡巒之體勢吐納風雲宣化
觀風東住皇華之節飛霜驚電西展玉帳之經呼嵩

之雲屋穹窿草檄之蓮幕窈窕背星山之嵒嶂面羊
腸之彌迤千畝脩篁東呈淇渭之興一帶流水北浸
鄭白之渠青山白雲粧桃屏會稽之形勝彷彿碧桃
紅杏畫村塢朱陳之風物依稀八楹霞生訝扶桑之
曉近逐溪花出認武陵之春潏通三島之瑞光摠百
里之和氣深秋簾幕千家南境僻山多落日樓臺一
笛風天高地迥月出光通斗尺遠桂影婆娑於碧牕
雲來氣接眉岫長瑞靄霏微於粉壁奇詭萬狀元暉
之所不能盡圖景致千般王勃之所不能悉序實為
臨民出治之所豈云遊觀燕喜之場盡角動江城認

得太守之蔭仕白衣隊鴈驚知是羣吏之趨衙稅之
歛賦之收關萬民之休戚怒有刑喜有賞主一邑之
勸徵位既尊於具瞻仁亘溥於一視效卧閣而推其
化念之在茲務富家而飢其民將焉用彼召爲父杜
爲母已相望於徃時宓之琴河之梅豈無繼於來日
春臺壽域庶從今而優遊空國措刑可復古而熙皞
李相國之記墨何處吳諫議之序文難尋愧乏江郎
五色之花莫催梁客三聲之鉢強綴蕪語不必覆子
安之衾畱作後觀未應數玄卿之筆擬資六偉乃置
雙標拋標東曉開瓊戶吸天風平明日出扶桑分萬

縷形雲眩眼中拋擲南千峯暖暍八烟嵐朱欄畫罷
蓬壺夢山雨霏霏灑碧衫拋擲西平看方丈彩雲低
冷風瑞氣遙相接青鳥飛來檻外啼拋擲北太野長
雲連斗極紫宮迢遞望中迷心逐江波流不息拋擲
上金烏玉兔閒來徃烟光雲影共蔽虧萬古鮪稜空
敞朗拋擲下簿領雲堆無飲射窓不月明簾自涼無
春無夏更無夜伏願上擲之後風淳玄古俗朴無懷
乳翟晝飛含和聲於玉軫仙鳬朝舉照彩影於金車
雲牕麗霞直期億萬代風雨不動壁戶倚日大庇百
千人耕鑿無憂毋俾爲魑魅魍魎之鄉永保得衣冠

文物之地

鄉賢祠上樑文

人倫東國英烈蔚生於地靈廟貌南州裡祀宜崇於
天爵輪奐燁其如彼文明煥乎在茲風土楚南人物
冀北金羅國千載上繼文獻之無徵巴山郡百世中
幾豪傑之有作圖冠方領爭歌鄒魯之風銳氣英聲
丕變寶淪之俗屬龍蛇之焦土慘烟塵之漫天蟻夢
忙於槐安鶴影孤於華表雖今日零落之殆盡民物
蕭條尚故家風韻之餘存俗化淳厚山有輝於玉積
草自香於蘭生邑苟無人胡能若是然不有俎豆必

芬之祀崇奉自今無以使才德忠義之儒顯揚傳後
肆闡尊師之道以教昭回之光恭惟迂拙子朴先生
降二輔於白雲探道腴於黃巷濕杏園之紅雪騰躍
早於龍門穿桂嶺之青雲聲價高於鵬路氣節搖山
岳倭骨潛寒於彈文風霜動冕旒非心自沮於直說
經綸未展久棲棲百里之間夷險不渝竟堂堂萬死
之際大笑軒趙先生明月出於瑤海丹桂聳於瑤崑
決文江而分章只書名於蓮榜操牛刀而致理漫流
聲於琴堂韞鐵石為剛腸大論風飛雷厲開笑言親
俗子弘度海涵春溫巡遠城中終使高義而凜烈聖

賢書上已見大意之分明噫二忠賢人今道古服懷
德而共貴士欽風而同歸義之取仁之咸宣嘗一鄉
之善士才如是行如此實乃萬夫之英豪正當廟食
乎崔嵬張使日光乎宇宙無謂九原不可作藍輿不
可肩庶幾君子有所依小人有所畏久矣立祠之議
鄉之士大夫謀旣食同大哉尚德之心國之三達尊
意亦克合理無往而不復事有時而必成伏惟地主
閣下售勇白猿流略黃石擢虎榜而登仕以右文興
化為先豎熊幡而分憂以崇德象賢為務爰謀爰始
乃景乃同拓基於四會之彊授規於九農之隙允允

松栢雷轉景山之白雲翼翼焚楣翬飛太空之翠霧
象棟宇於上下儀門戶於乾坤因子來於四封豈殫
財於百室圭璧輝映於天苑百年恭運屬窮鄉風月
光霽於道洲千載精華藹一字毋但賢其賢而欽艷
亶亶薰其德而善良譚禮樂而陶民是鄉邦設祠廟
之意微利達而弄筆實二三媚學子之羞不顯其光
斯字之作敢因雙虹之舉式奏六偉之歌拋樑東匡
廬登翠泰清中不知日觀誰高下曉旭先從絕頂紅
拋樑西星峯蒼壁瑞雲低孔庭有赫臨其上八德明
前路不迷拋樑南千文餘航鎖翠嵐下有巴潯淨如

練森羅萬象此中涵拋樑北鼎津東走通清洛涵
日夜竟朝宗學者要當體不息拋樑上日御月車亘
來往寄語吾儕惜寸陰無令老大空悵悵拋樑下絃
誦洋洋振儒雅敬義夾持功不停許君亦盡爲賢者
伏願上樑之後爲仁由已景賢思齊忝乎前倚乎衡
道由近而遠可至立於禮成於樂士希賢而聖可臻
四維大張一方風清而俗美三綱昭揭萬人子孝而
臣忠莫教驚鴛鴦離之棲終作魑魅魍魎之藪

代織女別牽牛詩

天街曙色入廣寒
惆悵良宵嗟已朝
赤龍載駕至金

啾靈脩將濟河之橋容與更接雲錦裾苦道天西歸
路遙銀床水簾夜夜心幾度思君愁寂寥芳華易歇
別離多清淚每洒機中綃千般心事一夜歡歧路離
魂銷又銷思留玉闥共瓊樓帝命有程心搖搖耽歡
當日自貽戚遠別如今知孰繇盈盈水隔脉脉情地
久天長寃未消長年相望一相見幾待秋天回斗杓
貞心終始期不貳何以贈之瓊與瑤忽忽萬事說未
了更期明年梧葉飄

烏說

趙平市令

有友人客於鍾樓之後金吾之前者余嘗往過焉其

傍有以長喙黑翅之禽揭之於高竿之上余熟視之
乃莫黑也問之其鄰曰此豈非鳥中之曾參乎胡為
乎至此哉鄰人曰噫是頑禽也乃自送死耳曰詰其
由對曰此地多有庖丁之家豈但一朝解十二牛哉
取其肉而投骨於地則是禽也呼朋引類羣聚爭食
張喙鼓翼啞啞啼噪自朝至暮莫肯自止其聲不忍
可聞於是伏而射之則一箭而斃者至於數三焉遂
掛於此竿之上則羣鴉驚散大抵朝而射之則夕焉
不來而明朝復然夕而射之則朝焉不來而其夕復
然自吾之居於是地積於今數十年鳥之如是而死

者不知其幾何而莫有知戒者甚矣是禽之無知也
孰謂孝鳥之有異於衆禽乎余曰噫噫物誠有諸人
亦宜然夫稟五行之氣受最靈之性者天地之間莫
吾人若也而奔名趨利貪權戀祿朝蔭劔而暮伏鎖
者古今以來前後相望而甘心覆轍曾莫之戒俱曰
予智誰知鳥之雌雄鳴呼孰知利祿之禍有甚是牛
骨而人之無知亦甚是鳥也哉於是既言於其人又
從而爲之說

金羅傳信錄下

跋

大凡孝子仁人之心不惟孝於父母仁於親戚而已
必推其道以及乎人者是乃盡其心以盡人之心者
也存諸心者既如是卽著於事者自可見矣予於族
祖澗松先生所作金羅傳信錄一再閱而信其為
孝子仁人之心何也金羅則先生之鄉也祖先宗
支世居是邦宏傑博雅之姿誠孝節義之美文章事
業之盛聯鑣并武相繼不絕則書牖識哉不使之泯
沒無傳者此乃孝子慈孫之事而至於一鄉先父老
之蔚興於前後馥流於當世者其麗亦夥則并錄其

名位遺蹟俾其子孫知某先之有是才某祖之有是
行播告於人垂耀於後者亦豈非推老老之意而厚揚
善之風乎然則觀斯錄而不知先生之心可乎嗟夫
為先之心人皆有之其遺跡遺藁能知貴重而錄藏
之者多矣而至於子孫之衰微不振則或亡矢焉水
火焉鮮有能守之者豈若吾族祖二編書中錄盡一
鄉往跡使後之觀此者數百年間先輩事蹟瞭然若
目見之者人人懷追遠之誠有觀感之心者乎第念
人之觀此者徒見撰錄而不知裒集之勞亦不察用
意之深則是不知先生者也何足道哉吾生也後不

得從事於函丈而嘗於文集中得一事焉柳文忠公
嘗為吾先祖大笑軒立傳而藏之家迨修巖為陝郡
先生再三致東辭意懇懇必得之後已以此觀之其
猗摭之際遠求而近索想不有餘力此錄之裒集可
謂勞矣且其自序之文有曰錄之中有文章節行廢
退隱德之表表可稱者非一後之覽是錄者景仰想
像思齊而慕效之則文可使華國行可使立身廢可
使勵俗德可使成名此實先生發前人之潛德而啓
後輩之迷塗也此錄之用意可謂深矣其為功不其
大而其為教不亦多乎先生行追乎古人而才高乎

當世其文章坐見於錄中或為前賢記事蹟也立行
狀也或為先世著跋文也撰墓碣也其行蹟亦出於
錄尾乃趙察訪日新堂記也戊巳子平市令之齋魚
臺序也踵美傳信自見其不得有辭者而又以見夫
後來之人必將有玩索而興起者耳獨惜乎錄在先
生之家尚不有剗剗而行之鄉此豈不為後死之憂
乎倘有能倡議協力事相鏗梓之後使家布而戶藏
之則不特為一鄉之寶將使他鄉之人亦有欽羨而
觀感之者矣豈不韙哉乙亥季夏日族孫趙錫三謹
跋

後跋

金羅傳信錄者則澗松堂趙先生所裒輯撰著也鄉賢之出處行蹟俱載於寒岡先生州誌而此則大畧而已其行狀文集著述題詠有此錄而一一該備班班可考此果金羅信錄也先生之苦心裒輯撰錄而垂後者何也不徒為發潛德昭遺光以垂示於永久也亦欲使此鄉之人為其子孫者追慕其先德遺行而紹述之為其門徒後生者仰欽其昔賢遺風而慕效之其意豈偶然哉此已人之所當家傳而寶藏者也不佞之忝倖茲邑今已六年矣到郡初求見邑誌

則禮吏納寒岡先生所著州誌一丹而紙破字剝無
可以考閱有人以此錄為言者求之邑藏則無有求
之校院而無有求之境內士人家而亦無有求乃求
得於龍華山趙生弘燁家弘燁則澗松先生四代宗
孫也先生之嘉言美論文集著述一一無遺而傳守
之一日訪余於琴鶴軒凡先生所撰著者裹以一袱
示余所為金羅傳信錄余始得見之一次繙閱已覺
其油然而起欽仰矣於是繕寫一通敬置案上以為
居常寓目警心之資而顧余夙期已及早晚當辭紱
而西洛中知舊之以好古博雅為心者若有問焉則

余將以此錄出示之庶幾知嶺南不失鄒魯之名而
巴山一邑自古賢士之輩出如是也豈不盛哉豈不
美哉噫余生於百年之後忝為邑宰得此古蹟於殘
編斷簡之中而起慕於風聲影響之餘尚敢自警於
心誇示於人或恐埋沒不彰於世則况居於此鄉而
為其子孫與門徒後生者於此錄其何可等閒觀而
不知其廣傳而寶玩也耶內而官府外而校院至於
境內士大夫家各傳寫此一錄廣布畱傳則其於觀
感興起之道未必無小補云癸亥四月日郡守完山
後人李彙晉謹跋

人李書言錄

海國賦云必無小解云美其四民自

齊內士大夫家各將一健騎乘馬

不

以

以

無

委

四

金羅傳信錄下

女母與義女者皆賦入事王昭翁有可賞與然不受
女也胡氏盡其郡縣王父獨其結爐嘗以蕭蕭稱曰
而固對人咏而咏一公乃不無憂動伏王母黃內之
賦其平主矣事於鄭許於文於武與重然若林日韻
長自幸昇平樂每向鄭南吟 望月贈林二詩及以
榮華合水疎疎憶盡山山盡雲空詞而水水而青此
我客一事幽思出世吟各默窺風月間中賦富貴
曲曲青無此徑以賦自笑懷香滿月盡空即白髮生
水早夢驚醉舉林疎籬影短以蕭蕭語品不長然
日食間無事但笑病笑楚西圖世上各改昨陰年詞



